

武備志

兵訣

孫子

漢書門類	二五三六
函號	一三五
架	四
冊	三七

尉繚子  
六韜  
三略


庫文閣内	五	五	漢書
函	二	三	類
架	一	七	
冊	二	六	
號	三	六	
類	七	六	

内閣文庫	番號	漢	2536
	冊數	37	( 2 )
	函號	299	239



糊などで貼り付けられている部分がめくれない箇所あり  
綴じ部(喉部分)の文字など開きが不鮮明な箇所あり








武備志卷一

兵訣評

茅子曰自古



談兵者必首孫武子故曹孟德手註

之又為兵家接要二十萬言大約集諸家而闡明

孫子者也世有武侯新書者亦所以明孫子然廣

書也無所短長孟德書不傳然孫子在有心者可

以意迎之他書可弗傳也先秦之言兵者六家前

孫子者孫子不遺後孫子者不能遺孫子謂五家

防風茅元儀輯

淺草文庫



武備志卷一  
爲孫子註疏可也。故首孫武子，次吳子，以其言核于諸家也。次司馬法，次韜，次略，以備制也。次尉繚子，以其得用兵之意，可以輔諸家而行也。終之以李衛公問答，李筌太白陰經，許洞虎鈴經，以其言皆所以申明六家，猶易之有京焦春秋之有三傳也。太白本八卷錄其三，虎鈴本二十卷錄其五，以其餘談制數非訣也。合九家而爲兵訣評要之學，兵訣者學孫子焉可矣。

孫武子

吳子

司馬法

六韜

三略

尉繚子

李衛公問對

太白陰經

虎鈴經

孫武子



始計第一

作戰第二

謀攻第三

軍形第四

兵勢第五

虛實第六

軍爭第七

九變第八

行軍第九

地形第十

九地第十一

火攻第十二

用間第十三

始計第一 定計為行  
兵始事

孫子曰兵者國之大事死生之地存亡之道不可

不察也故經之以五事校之以計而索其情 以五

經常而校量以計以一曰道二曰天三曰地四曰

將五曰法道者令民與上同意可與之死可與之

兵訣盡  
此一語

武備志卷一 兵訣評 孫武子

三



生而不畏危也。天者陰陽寒暑時制也。順時以地  
 者遠近險易廣狹死生也。死地宜戰，生地宜守。將者智信仁  
 勇嚴也。法者曲制官道主用也。部曲有制，分官有主。凡  
 此五者將莫不聞知之者勝，不知者不勝。將皆聞  
能知而行，故校之以計而索其情，曰主孰有道，將孰有  
 能，天時地利孰得，法令孰行，兵衆孰強，士卒孰練，  
 賞罰孰明，吾以此知勝負矣。將聽吾計用之必勝，  
 留之將不聽吾計用之必敗，去之兼大將計利以  
 聽，乃爲之勢以佐其外勢者，因利而制權也。兵者

種勢在  
我天下

無成勢  
可知矣

避之之  
道高明  
宜加意

詭道也。故能而示之不能，用而示之不用，近而示  
 之遠，遠而示之近，利而誘之，亂而取之，實而備之，  
 強而避之，怒而撓之，卑而驕之，佚而勞之，親而離  
 之，攻其無備，出其不意，此兵家之勝，不可先傳也。  
不可先自傳洩于人，夫未戰而廟算勝者，得算多也，未戰而  
 廟算不勝者，得算少也，多算勝，少算不勝，而况于  
 無算乎？吾於此觀之，勝負見矣。

作戰第二 作其氣而不使久戰

孫子曰：凡用兵之法，馳車千駟，革車千乘，帶甲十



古之千  
金

萬千里饋糧，內外之費，賓客之用，膠漆之材，車甲之奉，日費千金，然後十萬之師舉矣。其用戰也，勝久則鈍兵挫銳，攻城則屈久暴師，則國用不足，鈍兵挫銳，屈力殫貨，則諸侯乘其弊而起。雖有智者，不能善其後矣。故兵聞拙速，未覩巧之久也。夫兵久而國利者，未之有也。故不盡知用兵之害者，則不能盡知用兵之利也。善用兵者，役不再籍，糧不三載，取用於國，因糧於敵，故軍食可足也。國之貧於師者，遠輸遠輸，則百姓貧；近師者，貴賣貴賣。

不再不  
二之故

訣

則百姓財竭，財竭則急於丘役，力屈財殫，中原內虛於家，百姓之費十去其七。私家之困如此公家之費，破車罷馬，甲冑弓矢，戟楯矛櫓，丘牛大車，十去其六。公家之困如此故智將務食於敵，食敵一鍾，當吾二十鍾；豈一石當吾二十石故殺敵者怒也。取敵之利者，貨也。車戰得車十乘以上，賞其先得者，而更其旌旗，車雜而乘之，卒善而養之。車戰則賞其先，得者而雜乘之，則用亦足矣。又且于所獲車中之卒，善撫而用之，則吾之兵亦益足矣。是謂勝敵而益強。取勝于敵而益已之強故兵貴勝，不貴久。故知兵之

兵訣評

孫武子

五



將民之司命、國家安危之主也。

謀攻第三

孫子曰：夫用兵之法，全國為上，破國次之；全軍為上，破軍次之；全旅為上，破旅次之；全卒為上，破卒次之；全伍為上，破伍次之。是故百戰百勝，非善之善者也；不戰而屈人之兵，善之善者也。故上兵伐謀，其次伐交，敵將相交其次伐兵，敵兵比形其下攻城。攻城之法，為不得已。修櫓、轂、輜、車、具器，三月而後成；距堙，與敵相拒，則築土山附城，使可登焉。又三月而後已。將不勝其忿而蟻附之，殺士卒三分之一而城不拔者，此攻之災也。故善用兵者，屈人之兵而非戰也；拔人之城而非攻也；毀人之國而非久也。必以全爭，全人爭於天下，故兵不頓而利可全。此謀攻之法也。故用兵之法：十則圍之，五則攻之，倍則分之。敵則能戰之，少則能守之，不若勢不則避之，故小敵之堅，大敵之擒也。若以小而堅，敵乎大，夫則必為大敵所擒矣。

將者，國之輔也。輔周則國必強，輔隙則國必弱。故軍之所患於君者三：不知軍之不可以進而謂之

訣





君不御  
更為要  
着然欲  
使君不  
御無徒  
責乎君

進不知軍之不可以退而謂之退是謂縻軍軍事為所  
縻不知三軍之事而同三軍之政則軍士惑矣不  
知三軍之權而同三軍之任則軍士疑矣三軍既  
惑且疑則諸侯之難至矣是謂亂軍引勝亂已之  
敵人之故知勝有五知可以與戰不可以與戰者  
勝識衆寡之用者勝上下同欲者勝以虞待不虞  
者勝將能而君不御者勝此五者知勝之道也故  
曰知彼知己百戰不殆不知彼而知己一勝一負  
不知彼不知己每戰必敗

軍形第四

孫子曰昔之善戰者先為不可勝以待敵之可勝  
先為敵人所不可勝我之形以不可勝在己可勝在  
待敵人所可勝之形而乘之不可勝在己可勝在  
敵故善戰者能為不可勝不能使敵之必可勝故  
曰勝可知而不可為自己制勝之形可以知而為  
之若敵人無可乘之形則不  
可必不可勝者守也可勝者攻也守則不足攻則  
為也有餘善守者藏于九地之下善攻者動于九天之  
上故能自保而全勝也見勝不過衆人之所知非  
善之善者也戰勝而天下曰善非善之善者也故

何以地  
何以天  
須急者  
眼



舉秋毫不為多力、見日月不為明目、聞雷霆不為聰耳、古之所為善戰者、勝于易勝者也、故善戰者之勝也、無智名、無勇功、故其戰勝不忒、不忒者、其所措勝、勝已敗者也、故善戰者立于不敗之地而不失敵之敗也、不為敵所敗也是故勝兵先勝而後求戰、敗兵先戰而後求勝、善用兵者、修道而保法、故能為勝敗之政、兵法一曰度、二曰量、三曰數、四曰稱、五曰勝、地生度、度生量、量生數、數生稱、稱生勝、其所處之地、而忖度其遠近、險易、廣狹之形、既度其地、即量其強弱、多寡之人力焉、既量其力、即用其

機械變詐之術、數焉、惟有數、斯可稱敵、而不弱矣、惟相稱、斯可求勝、而不負矣、故勝兵若以鎰稱銖、敗兵若以銖稱鎰、勝者之戰、若決積水於千仞之谿者、形也、此勝兵之節制、有必勝之形、其視敗兵之無制、若以鎰之重、稱銖之輕、而不相侔也、敗兵反是、故勝兵之與人戰、若決積水於千仞之谿、而其形不可測也、

兵勢第五

孫子曰：凡治眾如治寡、分數是也、部曲為分、什伍為數、各有統制、則不難、鬪眾如鬪寡、形名是也、旌旗曰形、金鼓曰名、各有節制、則不畏敵、三軍之眾、可使必受敵而無敗者、奇正是也、兵之所加、如以礮投卵者、虛實是也、以我之實、擊彼之虛、則如

訣



以礪石投鳥。凡戰者以正合以奇勝故善出奇者

無窮如天地不竭若江海終而復始日月是也死

而復生四時是也聲不過五五聲之變不可勝聽

也色不過五五色之變不可勝觀也味不過五五

味之變不可勝嘗也戰勢不過奇正奇正之變不

可勝窮也奇正相生如循環之無端孰能窮之哉

激水之疾至於漂石者勢也鷺鳥之疾至於毀折

者節也故善戰者其勢險其節短勢如彍弩節如

發機此就奇正之中舉其勢與節而言之謂於激水之疾有以漂石者可以觀勢焉固甚于險

訣

也於鷺鳥之疾有以毀折鳥雀可以觀節焉固甚

于短也故善戰者法此以布陣其立隊相去各十

步每隔一隊立一戰隊其前進以五十步為節聽

角聲為號馬軍從背出亦以五十步為節聽鼓聲

為號是其勢之險而難禦如引滿之弩矣其節之

短近只在五十步之內如發機之近不至於遠而

有紛紛紜紜鬪亂而不可亂渾渾沌沌形圓而不

可敗亂生於治怯生於勇弱生於強治亂數也勇

怯勢也強弱形也故善動敵者形之敵必從之予

之敵必取之以利動之以本待之既以利誘之而使之來又以吾

之本兵待之戰者求之於勢不責之於人故能擇

人而任勢任勢者其戰人也如轉木石木石之性



安則靜危則動方則止圓則行故善戰人之勢如轉圓石於千仞之山者勢也

虛實第六

孫子曰凡先處戰地而待敵者佚後處戰地而趨戰者勞故善戰者致人而不致於人能使敵人自至者利之也能使敵人不得至者害之也故敵佚能勞之飽能饑之安能動之出其所不趨趨其所不意行千里而不勞者行於無人之地也攻而不取者攻其所不守也守而必固者守其所不攻

故善攻者敵不知其所守善守者敵不知所攻微

乎微乎至於無形神乎神乎至於無聲故能敵之

司命敵人之死生為其所司也進而不可禦者衝其虛也退而

不可追者速而不可及也故我欲戰敵雖高壘深

溝不得不與我戰者攻其所必救也我不欲戰雖

畫地而守之敵不得與我戰者乖其所之也故形

人而我無形則我專而敵分我專為一敵分為十

是以十攻其一也則我衆敵寡能以衆擊寡則吾

之所與戰者約矣吾所與戰之地不可知不可知

九天九

訣



正偏志卷一  
則敵所備者多。敵所備者多。則吾所與戰者寡矣。故備前則後寡。備後則前寡。備左則右寡。備右則左寡。無所不備。則無所不寡。寡者備人者也。衆者使人備已者也。故知戰之地。知戰之日。則可千里而會戰。不知戰地。不知戰日。則左不能救右。右不能救左。前不能救後。後不能救前。而况遠者數十里。近者數里乎。以吾度之。越人之兵雖多。亦奚益于勝哉。故曰。勝可爲也。敵雖衆。可使無鬪。故策之而知得失之計。作之而知動靜之理。形之而知死

只看他  
行文亦  
千變無  
窮即此  
法  
司悟兵

生之地。角之而知有餘不足之處。故形兵之極。至於無形。無形則深。問不能窺。智者不能謀。因形而措勝於衆。衆不能知。人皆知我。所以勝之形。而莫知吾所以制勝之形。故其戰勝不復。而應形於無窮。夫兵形象水。水之形避高而趨下。兵之形避實而擊虛。水因地而制流。兵因敵而制勝。故兵無常勢。水無常能。因敵變化而取勝者。謂之神。故五行無常勝。四時無常位。日有短長。月有死生。

軍爭第七

審軍之所宜爭



孫子曰凡用兵之法將受命於君合軍聚眾交和而舍莫難於軍爭軍門稱和門者以和於眾而後舉也交和者以兩軍門相對也軍爭之難者以迂為直以患為利故迂其途而誘之以利後人發先人至此知迂直之計者也自迂去而以所利者誘人使之貪戀則我雖後人而發得以先人而至故軍爭為利眾爭為危舉軍而爭利則不及委軍而爭利則輜重捐是故捲甲而趨日夜不處倍道兼行百里而爭利則擒三將軍勁者先疲者後其法十一而至五十里而爭利則蹶上將軍其法半至三十里而爭

利則三分之二至是故軍無輜重則亾無糧食則亡無委積則亡故不知諸侯之謀者不能豫交援求不知山林險阻沮澤之形者不能行軍不用鄉導者不能得地利故兵以詐立以利動以分合為變者也故其疾如風其徐如林整舒侵掠如火不動如山難知如陰動如雷霆掠鄉分眾往各廓地分利守各懸權而動化變先知迂直之計者勝以迂為直以直為迂此軍爭之法也軍政曰言不相聞故為之金鼓視不相見故為之旌旗夫金鼓旌旗者所以一人之耳目



訣

也。人既專一，則勇者不得獨進，怯者不得獨退。此用衆之法也。故夜戰多火，鼓晝戰多旌旗，所以變人敵之耳目也。三軍可奪氣，將軍可奪心。此就擊是故朝氣銳，晝氣惰，暮氣歸。善用兵者避其銳氣，擊其惰歸。此治氣者也。以治待亂，以靜待譁。此治心者也。以近待遠，以佚待勞，以飽待饑。此治力者也。無邀正正之旗，無擊堂堂之陣。此治變者也。故用兵之法：高陵勿向，背丘勿逆，佯北勿從，銳卒勿攻，餌兵勿食，歸師勿遏，圍師必闕，窮寇勿追。此用兵之法也。

九變第八

孫子曰：凡用兵之法，將受命於君，合軍聚衆，圯地

無舍，衢地合交，絕地無留，圍地則謀，死地則戰。此

用兵有九變，而略舉其五事如此。言水毀之圯地，不可止，四通之衢地宜盟會。一云：當以前篇高陵勿向八句及此篇絕地無留一句共為九變。途而此段圯地無舍四句，特九地篇文，誤在此耳。

有所不由，軍有所不擊，城有所不攻，地有所不爭。

君命有所不受，故將通於九變之利者，知用兵矣。

將不通於九變之利，雖知地形，不能得地之利矣。

此說非也。此論變非論地也。五地及五有所不共十變。



也大略  
舉數曰  
九

治兵不知九變之術雖五利不能得人之用矣是  
故智者之慮必雜於利害雜於利而務可信也雜  
於害而患可解也是故屈諸侯者以害役諸侯者  
以業趨諸侯者以利智者之慮事見利而慮及其  
害遇害而慮及其利雜于利  
所利參所害則患難可解而使民安業也故用  
兵之法無恃其不來恃吾有以待之無恃其不攻  
恃吾有所不可攻也故將有五危必死可殺必生  
可虜忿速可侮廉潔可辱愛民可煩凡此五者將  
之過也用兵之災也覆軍殺將必以五危不可不

察也庸常之將守一而不知變者謂勇戰而必於  
襲而擄之性之忿速者可陵侮以致其來性之廉  
潔者可詬辱以激其出性之仁慈愛人者惟恐殺  
傷士卒可煩  
苛以擾之

行軍第九

孫子曰凡處軍相敵處軍之法有四相敵之法有  
三十二自絕山依谷至伏奸  
之所皆處軍之法自近而靜者  
至必謹察之皆相敵之法也絕山依谷視生處

高戰隆無登地處山之軍也言軍行過山必依谷  
而居以負險視生地  
而處其高陽若敵人先據隆  
高之處不可登而迎戰也絕水必遠水客絕水  
而來勿迎之於水內令半渡而擊之利欲戰者無

訣



附水而迎客視生處高無迎水流此處水上之軍

也言軍行過水必遠水而止以自便我若欲與敵戰勿近水而迎擊但當處水上流而無居下流

也絕斥澤唯亟去勿留若交軍於斥澤之中必依

水草而背衆樹此處斥澤之軍也以地氣混潤水草以薄惡也依水

樹木以便樵汲背平陸處易右背高前死後生此處

平陸之軍也平陸之地坦易可以馳突處軍于此宜右背高阜以為形勢前低後高以

便奔凡此四軍之利黃帝所以勝四帝也凡軍好

高而惡下貴陽而賤陰養生處實軍無百疾是謂

必勝近水草以養生據高陽以丘陵隄防必處其

陽而右背之此兵之利地之助也上雨水沫至欲

涉者待其定也上流有雨水而泡沫至者恐有暴水必待水定而後可涉也凡

地有絕澗天井天牢天羅天陷天隙必亟去之勿

近也吾遠之敵近之吾迎之敵背之吾若遠之敵必近之矣吾

若迎之敵必背之矣軍旁有險阻潢井林木蒹葭翳蒼者必

謹覆索之此伏奸之所也此以上皆論處軍之法近而靜者

恃其險也遠而挑戰者欲人之進也欲誘我進而擊也其

所居易者利也居平易之地者以利誘我也衆樹動者來也斬

而道通衆草多障者疑也以草為屏障鳥起者伏也



獸駭者覆也而來塵高而銳者車來也卑而廣者

塵徒來也來步兵散而條達者塵樵採也少而往來

者塵營軍也軍壘辭卑而益備者進也潛辭強而

進驅者退也潛輕車先出居其側者陳也無約而

請和者謀也奔走而陳兵者期也戰半進半退者

誘也仗而立者倚兵仗饑也汲而先飲者渴也見

利而不知進者勞也鳥集者虛也夜呼者恐也軍

而軍士恐懼也軍擾者將不重也旌旗動者亂

也吏怒者倦也將士忿怒以殺馬食肉者軍無

也懸甕不返其舍者窮寇也舍者窮寇欲決戰也

諄諄諭諭徐與人言者失衆也徐與衆人言者以

也之數賞者窘也恐其窘乏數罰者困也因其困疲

先暴而後畏其衆者不精之至也先加暴虐而後

將麤疎不來委謝者欲休息也兵怒而相迎久不

合戰精詳也又解去必謹察之此以上皆論兵非貴並

多惟無武進足以併力料敵取人而已夫惟無慮

而易敵者必擒于人兵不貴多惟無剛武輕進但

於人使足以併其力料其敵取勝卒未親附而罰之則不服不服則難用也卒

訣

武備志卷一 兵訣評 孫武子



相得者  
令行之  
或不可  
徒以威  
也

已親附而罰不行則不可用也。故令之以文，齊之以武，是謂必取。令素行以教其民，則民服；令不素行以教其民，則民不服。令素行者，與眾相得也。

地形第十

孫子曰：地形有通者，有掛者，有隘者，有險者，有遠者，我可以往，彼可以來，曰通通。形者，先居高陽，利糧道，以戰則利，可以往，難以返，曰掛。掛形者，敵無備，出而勝之；若有備，出而不勝，難以返，不利。利，卅形者，以敵之有備無備為勝負也。我出而不利，彼出而不利，曰

訣

支支形者，敵雖利我，我無出也；引而去之，令敵半出而擊之，利隘形者，我先居之，必盈之，以待敵；若敵先居之，盈而勿從，不盈而從之，險形者，我先居之，必居高陽，以待敵；若敵先居之，引而去之，勿從也。遠形者，勢均，難以挑戰，戰而不利。凡此六者，地之道也。將之至任，不可不察也。故兵有走者，有弛者，有陷者，有崩者，有亂者，有北者。凡此六者，非天地之災，將之過也。此言地形，夫勢均以一擊十曰走，不知量力，則戰敗。卒強吏弱曰弛，吏強卒弱曰陷，大吏

武備志卷一  
孫武子



知此則知道矣  
不知道者不可

前命

怒而不服遇敵懟而自戰將不知其能曰崩大吏因忿  
怒而欲各自為戰主將將弱不嚴教道不明吏卒  
不知其能否必至崩墜無常陳兵縱橫曰亂將不能料敵以合眾以弱擊  
強兵無選鋒曰北凡此六者敗之道也將之至任  
不可不察也夫地形者兵之形也料敵制勝計險  
阨遠近上將之道也知此而用戰者必勝不知此  
而用戰者必敗故戰道必勝主曰無戰必戰可也  
戰道不勝主曰必戰無戰可也故進不求名退不  
避罪唯民是保而利於主國之寶也視卒如嬰兒

故可與之赴深谿視卒如愛子故可與之俱死愛  
而不能令厚而不能使亂而不能治譬如驕子不  
可用也知吾卒之可以擊而不知敵之不可擊勝  
之半也知敵之可擊而不知吾卒之不可以擊勝  
之半也知敵之可擊知吾卒之可以擊而不知地  
形之可以戰勝之半也故知兵者動而不迷舉而  
不窮故曰知彼知己勝乃不殆知天知地勝乃可  
全

九地第十一

地形有九



孫子曰用兵之法有散地有輕地有爭地有交地

有衢地有重地有圯地有圍地有死地諸侯自戰

其地者為散地諸侯自戰于境內之地者入人之

地不深者為輕地必重進而輕於退矣我得亦

利彼得亦利為爭地我可以往彼可以來者為交

地可往可來則諸侯之地三屬先至而得天下之

眾者為衢地諸侯之地三面連屬鄰國若先至其

路入人之地深背城邑多者為重地入人之地已

邑已多則士卒山林險阻沮澤凡難行之道者為

圯地所由入者隘所從歸者迂彼寡可以擊吾之

眾者為圍地如被疾戰則存不疾戰則亡者為死

地是故散地則無戰勿與輕地則無止不可爭地

則無攻當先至而據之交地則無絕不可衢地則

合交通遣使重地則掠掠收圯地則行宜速圍地則

謀塞關示弱死地則戰併力古之所謂善用兵者

能使敵人先後不相及眾寡不相恃貴賤不相救

上下不相收卒雜而不集兵合而不齊合于利而

動不合于利而止敢問敵眾整而將來待之若何

何以能  
如此宜  
深思之

訣



此願之所以破

一訣

曰先奪其所愛則聽矣。兵之情主速。乘人之不及。由不虞之道。攻其所不戒也。此言敵入我境當先食而據守以待之則敵之進退自聽乎我矣。凡為客之道深入則專。主人不克。掠於饒野。三軍足食。謹養而勿勞。并氣積力。運兵計謀為不可測。此下論為客之道。言其初野則食。投之無所往。死且不北。死馬不得。士人盡力。兵士甚陷。則不懼。投兵士于危地而無所往。則必盡其心。無所往則固。入深則拘。不得已則鬪。是不懼矣。故其兵不脩而戒。不求而得。不約而親。不令而信。

千古陣法深此一語李藥師稍窺其端其餘名將猶墮雲霧中

禁祥去疑。至死無所之。至死無他意也。吾士無餘財。非惡貨也。無餘命。非惡壽也。令發之日。士卒坐者涕沾襟。偃臥者涕交頤。投之無所往。則諸劇之勇也。故善用兵者。譬如率然。率然者。常山之蛇也。擊其首則尾至。擊其尾則首至。擊其中則首尾俱至。敢問。可使如率然乎。曰。可。夫吳人與越人相惡也。當其同舟濟而遇風。其相救也。如左右手。是故方馬埋輪。未足恃也。齊勇若一。政之道也。剛柔相得。地之理也。故善用兵者。携手若使一人。不得已也。使不得已。

兵訣評 孫武子



愚之者所以治之也帝土之政理亦不出此

險者死道也死者生也萬物皆生于死

然將軍之事靜以幽正以治能愚士卒之耳目使之無知易其事革其謀使人無識易其居迂其途使人不得慮帥與之期如登高而去其梯不知帥避也與之深入諸侯之地而發其機若驅羣羊驅而往驅而來莫知所之聚三軍之衆投之於險此將軍之事也九地之變屈伸之利人情之理不可不察也凡為客之道深則專淺則散去國越境而師者絕地也四通者衢地也入深者重地也入淺者輕地也背固前隘者圍地也無所往者死地也是故

訣

散地吾將一其心輕地吾將使之屬爭地吾將趨其後交地吾將謹其守衢地吾將固其結重地吾將繼其食圯地吾將進其途圍地吾將塞其闕死地吾將示之以不活故兵之情圍則禦不得已則鬪過則從為客者入深則衆心專一入淺則衆心漫散是故去國越境而師本危絕之地也然有衢地重地輕地圍地死地之別焉吾於散地則使之一心輕地則使之連屬爭地則疾趨其後交地則謹守以待衢地則厚幣結交重地則掠野繼食圯地則進途弗留圍地則塞闕激士死地則示之不可活使奮擊求生若兵情在圍地則思禦敵不得已則思奮鬪過陷于危則從吾之計故當隨九地以是故不知諸侯之謀者不能預交不知為權變也

武備志卷一 兵訣評 孫武子



山林險阻沮澤之形者不能行軍不用鄉導者不能得地利此三者一不知非霸王之兵也夫霸王之兵伐大國則其眾不得聚威加于敵則其交不得合是故不爭天下之交不養天下之權信已之私威加于敵故其城可拔其國可隳誠知九地而征伐大國則其兵眾不得會聚且威加于敵則其隣交不得相合彼既不得爭交于天下則不養成天下之權力可以伸已之私而施無法之賞懸無政之令犯三軍之眾若使一人犯之以事勿告以言犯之以利勿告以害投之亡地然後存陷之死地然後生夫

情然也 非徒兵 刑不畏 帝憲之 憚不感 恪內之

眾陷于害然後能為勝敗也此段言用兵之法他法執常政明其賞罰如此則犯三軍之眾如使一人矣且用之以圖事則勿告以謀議之言用之以取利則勿告以害投之亡地然後奮戰而獲存陷之死地然後勇鬪而得生此蓋因兵情之眾必陷于害然後能為勝故為兵之事在順詳敵之意并力而不敗故耳

死而生 治而行 非特如 青水陣 時也 將要 此

訣

一向千里殺將是謂巧能成事是故政舉之日夫關折符無通其使厲於廟廊之上以誅其事敵人開闔必亟入之先其所愛微與之期踐墨隨敵以決戰事是故始如處女敵人開戶後如脫兔敵不及拒誅其事責成所事也若敵人盍辟有隙則必速入之先奪其所愛之便地糧食而不與相



期焉、踐守常法而不妄動、又隨敵變化、而無常形、以是決戰事而可以勝敵矣、

火攻第十二

孫子曰凡火攻有五、一曰火人、焚其人、二曰火積、焚其積、

三曰火輪、焚其輪、四曰火庫、焚其庫、五曰火隊、焚其隊、

積、蓄、三曰火輪、四曰火庫、府庫、五曰火隊、使亂而擊、

之、行火必有因、烟火必素具、發火有時、起火有日、

時者天之燥也、日者月在箕壁翼軫也、凡此四宿

者風起之日也、此言火攻之先務、有因、如天旱風

芻膏油火藥火箭之類、有時、謂天時乾燥、有日、謂也、凡火攻必因五火之變而應之、火發于內、即旱

訣

應之於外、火發而其兵靜者、待而勿攻、極其火力、

可從而攻之、不可從而止、火可發於外、無待於內、

以時發之、若敵營在草澤而火可發於外、無待於

也、無益、火發上風、無攻下風、晝風久、久作、夜風止、晝

也、發火、當以六從之、若夜風發火、則不、凡、軍必知五

火之變、以數守之、言必當知五火之變、推四星之

不可徒為攻人、故以火佐攻者明、以水佐攻者強、

水可以絕、不可以奪、此、火助攻者、其威甚著、以水助

攻者、其勢莫禦、然水僅可以絕敵之糧道、與救援

衝擊而已、不可以奪敵之險、要蓄積、豈能如火之

此說非也、止謂易止也、凡設攻人之具、皆當知此着

武備志卷一 兵訣評 孫武子



哉。夫戰勝攻取而不修其功者凶。命曰費留。故曰

明主慮之，良將修之。言以火而戰勝攻取，亦士卒

之亦。有凶咎。命之曰費留。言國費留而終不。賞

能成事矣。故明主必慮之。良將必修之也。非利

不動。非得不用。非危不戰。此言火攻殺傷甚衆。非

有土地之得。則不用。非危急不得已。則主不可以

怒。而與師將。不可以愠。而致戰。合於利。而動。不合

於利。而止。怒可以復喜。愠可以復悅。亡國不可以

復存。死者不可以復生。故曰明主慎之。良將警之。

此安國全軍之道也。蓋主不可因怒與帥將。不可

動。否則當止矣。何也。怒可復喜。愠可復悅。若因怒

與師以亡國。則不可復存矣。因愠致戰。以殺衆。則

主慎之。良將警之。

用間第十三

孫子曰：凡興師十萬，征戰千里，百姓之費，公家之

奉，日費千金，內外騷動，怠於道路，不得操事者七

十萬家，相守數年，以爭一日之戰，而愛爵祿百金，

不知敵之情者，不仁之至也。非人之將也，非主之

佐也，非勝之主也。故明君賢將，所以動而勝人，成

功出於衆者，先知也。先知者，不可取於鬼神，求不

武備志卷一 兵訣評 孫武子



可象於事事類不可驗於度度數必取於人人間知敵之

情者也故用間有五有因間有內間有反間有死

間有生間五間俱起莫知其道是謂神紀人君之

寶也因間者因其鄉人而用之內間者因其官人

而用之潛結敵反間者因其敵間而用之死間者

為誑事於外令吾間知之而傳於敵間也佯為虛

使吾間傳洩于敵間生間者反報也使歸而以故三軍之事

莫親於間賞莫厚於間事莫密於間非聖智不能

用間非仁義不能使間非微妙不能得間之實微

訣

細釋三

道矣李

衛公以

為非者

以未能

此耳

哉微哉無所不用間也間事未發而先聞者聞與

所告者皆死凡軍之所欲擊城之所欲攻人之所

欲殺必先知其守將左右謁者門者舍人之姓名

令吾間必索知之必索敵間之來間我者因而利

之導而舍之故反間可得而使也因是而知之故

鄉間內間可得而使也因是而知之故死間為誑

事可使告敵因是而知之故生間可使如期五間

之事主必知之知之必在反間故反間不可不厚

也昔殷之興也伊摯在夏周之興也呂牙在商故

相因之

用甚微



明君賢將能以上智為間者必成大功此兵之要  
三軍之所恃而動也

武備志卷二

防風茅元儀輯

兵訣評

吳子

名起衛人從魯子事魯君去魯適魏乃著吳子

圖國第一

料敵第二

用兵第三

將第四

兵訣評

吳子



應變第五

勵士第六

圖國第一

吳起儒服以兵機見魏文侯文侯曰寡人不好軍  
 旅之事起對曰臣以見占隱以往察來主君何言  
 與心違今君四使斬離皮革掩以朱漆畫以丹  
 為長一丈二尺革車掩戶縵  
 離離之則不麗柔之以田則不輕不  
 不温夏日衣之則不涼

君安用此也

斬離猶言裁制以爲衛身之衣甲也

若以備進

而不求能用者

若以皮革戰車之具備進戰之用而不求能用之將以任之

譬如伏雞之搏狸乳犬之犯虎雖有鬪心隨之死  
 矣昔承桑氏之君修德廢武以滅其國家有扈氏  
 之君恃衆好勇以喪其社稷明主鑒茲必內修文  
 德外治武備故當敵而不進無逮于義矣僵尸而  
 哀之無逮於仁矣於是文侯身自布席夫人捧觴  
 醮吳起於廟立爲大將守西河與諸侯大戰七十  
 六全勝六十四餘則均解闢土四面拓地千里皆



起之功也

吳子曰昔之國家者必先教百姓而親萬民有四不和不和於國不可以出軍不和於軍不可以出陣不和於陣不可以進戰不和於戰不可以決勝是以有道之主將用其民先和而造大事不敢信其私謀必告於祖廟啓於元龜參之天時吉乃後舉民知君之愛其命惜其死若此之至而與之臨難則士以進死為榮退生為辱矣

吳子曰夫道者所以反本復始義者所以行事立

功謀者所以違害就利要者所以保業守成若行不合道舉不合義而處大居貴慮必及之是以聖人綏之以道理之以義勸之以禮撫之以仁此四德者修之則興廢之則衰故成湯討桀而夏民喜悅周武伐紂而殷人不叛羣臣願天一人故能然矣吳子曰凡制國治軍者必教之以禮勵之以義使有耻也夫人有耻在大足以戰在小足以守矣然戰勝易守勝難交兵接刃而勝乎人者此守較之為難故曰天下戰國五勝者禍四勝者弊三勝者



霸二勝者王、一勝者帝、是以數勝得天下者稀、以亡者衆、

吳子曰、凡兵之所起者有五、一曰爭名、二曰爭利、三曰積惡、四曰內亂、五曰因饑、其名又有五、一曰義兵、二曰強兵、三曰剛兵、四曰暴兵、五曰逆兵、禁暴救亂曰義、恃衆以伐曰強、因怒興師曰剛、棄禮貪利曰暴、國亂人疲、舉事動衆曰逆、五者之數、各有其道、義必以禮服、強必以謙服、剛必以辭服、暴必以詐服、逆必以權服、

武侯問曰、願聞治兵料人固國之道、起對曰、古之明王必謹君臣之禮、飾上下之儀、安集吏民、順俗而教、簡募良材、以備不虞、昔齊桓募士五萬、以霸諸侯、晉文召爲前行四萬、以獲其志、秦穆置陷陳三萬、以服鄰敵、故強國之君必料其民、民有膽勇氣力者、聚爲一卒、樂以進戰、効力以顯其忠勇者、聚爲一卒、能踰高超、遠輕足善走者、聚爲一卒、王臣失位而欲見功於上者、聚爲一卒、棄城去守、欲除其醜者、聚爲一卒、此五者軍之練銳也、有此三



千人內出可以決圍外入可以屠城矣。

武侯曰願聞陣必定守必固戰必勝之道起對曰立見且可豈直聞乎可立而見豈但君能使賢者居上不肖者居下則陣已定矣民安其田宅親其司則守已固矣百姓皆是吾君而非鄰國則義已勝矣。

武侯嘗謀事羣臣不能及罷朝而有喜色起進曰昔楚莊王嘗謀事羣臣莫能及罷朝而有憂色申

公問曰君有憂色何也曰寡人聞之世不

而羣臣莫及者楚國其殆矣此楚莊王之所憂而君說之臣竊懼矣於是武侯有慚色

料敵第二

武侯謂吳起曰今秦脅吾西楚帶吾南趙衝吾北齊臨吾東燕絕吾後韓據吾前六國之兵四守勢甚不便憂此奈何起對曰夫安國家之道先戒為寶今君已戒禍其遠矣臣請論六國之俗夫齊陣守里而不堅秦陣散而自闕楚陣整而不久燕陣守



前陣即  
活陣不  
可以一  
時設措  
變人心  
知言哉

而不走。三晉陣治而不用。齊性剛。其國富。君臣驕。奢而簡於細民。不恤其政寬而祿不均。一陣兩心。前重後輕。前陣強衆。後陣寡弱。故重而不堅。擊此之道必三分之。獵其左右脅而從之。其陣可壞。秦性剛。其地險。其政嚴。其賞罰信。其人不讓。皆有鬪心。故散而自戰。擊此之道必先示之以利而引去之。士貪於得而離其將。乘乖獵散。設伏投機。其將可取。楚性弱。其地廣。其政騷。其民疲。故整而不久。擊此之道襲亂其屯。先奪其氣。輕進速退。弊而勞之。勿與爭


戰。其軍可敗。燕性慤。其民慎。好勇義。寡詐謀。故守而不走。擊此之道觸而迫之。陵而遠之。馳而後之。觸而迫之。左右角之也。陵而遠之。相則上疑而下。陵稍遠也。馳而後之。掩之於後也。懼謹我車騎。必避之路。其將可虜。勿輕與戰。避其所由之路。三晉者中國也。其性和。其政平。其民疲於戰。習於兵。輕其將。薄其祿。士無死志。故治而不用。擊此之道阻陣而壓之。衆來則拒之。去則追之。以倦其師。此其勢也。然則一軍之中必有虎賁之士。力輕扛鼎。尾輕戎馬。搴旗斬將。必有能者。若此之等。選而別



之愛而貴之。是謂軍命。其有工用五兵。材力健疾。志在吞敵者。必加其爵列。可以決勝。厚其父母妻。子。勸賞畏罰。此堅陣之士。可與持久。能審料此。可以擊倍。武侯曰善。

吳子曰。凡料敵有不卜而與之戰者八。不待一曰疾風大寒。早興寤遷。剖冰濟水。不憚艱難。二曰盛夏炎熱。晏興無間。行驅饑渴。務以取遠。三曰師既淹久。糧食無有。百姓怨怒。妖祥數起。上不能止。四曰軍資既竭。薪芻既寡。天多陰雨。欲掠無所。五曰

六曰泉不多。水地不利。人馬疾疫。四鄰不至。六曰道遠日暮。士眾勞懼。倦而未食。解甲而息。七曰將薄吏輕。士卒不固。三軍數驚。師徒無助。八曰陣而未定。舍而未畢。行阪涉險。半隱半出。諸如此者。擊之勿疑。有不占而避之者六。一曰土地廣大。人民富衆。二曰上愛其下。惠施流布。三曰賞信刑察。發必得時。審察必真。且發中時宜。四曰陳功居列。任賢使能。陳顯有功五曰師徒之衆。兵甲之精。六曰四鄰之助。大國之援。凡此不如敵人避之。勿疑。所謂見可





而進知難而退也

武侯問曰吾欲觀敵之外以知其內察其進以知其止以定勝負可得聞乎起對曰敵人之來蕩蕩無慮旌旗煩亂人馬數顧一可擊十必使無措以我一倍之兵可擊敵十倍諸侯未會君臣未和溝壘之兵必使之倉皇無措未成禁令未施三軍詢詢欲前不能欲去不敢以半擊倍百戰不殆

武侯問敵必可擊之道起對曰用兵必須審敵虛實而趨其危趨其危而乘之敵人遠來新至行列未定可

擊既食未設備可擊奔走可擊勤勞可擊未得利可擊失時不從可擊涉長道後行未息可擊水半渡可擊險道狹路可擊旌旗亂動可擊兵無節制陳數移動可擊將離士卒可擊心怖可擊凡若此者選銳衝之分兵繼之急擊勿疑

治兵第三

武侯問曰用兵之道何先起對曰先明四輕二重一信曰何謂也對曰使地輕馬馬輕車車輕人人輕戰明知險易則地輕馬芻秣以時則馬輕車膏



鋼有餘則車輕人鋒銳甲堅則人輕戰膏油也所以潤車者以固車者進有重賞退有重刑行之以信審能達此勝之主也

武侯問曰兵何以爲勝起對曰以治爲勝又問口不在衆乎對曰若法令不明賞罰不信金之不止鼓之不進雖有百萬何益於用所謂治者居則有禮動則有威進不可當退不可追前却有節一前一後皆有節度左右應麾一左一右皆應麾雖絕成陣兵雖斷絕亦成陣勢雖散成行與之安與之危將與士卒共處安危其衆可合而不

可離可用而不可疲投之所往天下莫當名曰武于之兵

吳子曰凡行軍之道無犯進止之節無失飲食之適無絕人馬之力此三者所以任其上令言三者皆任用於將之所令在爲將首處之有道任其上令則治之所由生也若適止不度飲食不適馬疲人倦而不解舍所以不立其上令上令既廢以居則亂以戰則敗吳子曰凡兵戰之場立屍之地必死則生幸生則死其善將者如坐漏船之中伏燒屋之下使智者



不及謀勇者不及怒受敵可也。兵戰之場乃止屍之地言必死也坐

者失其謀勇者失其怒吾能奮勇以受敵而無敗也

故曰用兵之害猶豫最大三軍之災生於狐疑

吳子曰夫人常死其所不能敗其所不便。兵無技

便習由於不教也故故用兵之法教戒為先一人

學戰教成十人十人學戰教成百人百人學戰教

成千人千人學戰教成萬人萬人學戰教成三軍

以近待遠以佚待勞以飽待饑圓而方之。可圓可

坐而起之。一坐一行而止之。或行或左而右之。起也。起也。

下古

也。摩不前而後之。或前或後也。分而合之。能分能合也。結而解

之。時聚時散也。每變皆習。每變皆令習熟。乃授其兵。是謂將事

吳子曰教戰之令短者持矛戟長者持弓弩強者

持旌旗勇者持金鼓弱者給廝養智者為謀主鄉

里相比什伍相保一鼓整兵二鼓習陳三鼓趨食

四鼓嚴辦五鼓就行聞鼓聲合然後舉旗

武侯問曰三軍進止豈有道乎起對曰無當天竈

無當龍頭天竈者大谷之口龍頭者大山之端必

左青龍右白虎前朱雀後玄武招搖在上從事於



下此星旗之名也左青龍者蛟龍曰旂也右白虎者熊虎曰旗也前朱雀者鳥隼曰旟也後玄武者龜蛇曰旐也招搖星名在北斗傍梗河上此中軍之旗在中央者故曰從事於下將戰之時審候風所從來風順致呼而從之風逆堅陣以待之

武侯問曰凡畜卒騎豈有方乎起對曰夫馬安其處所適其水草節其饑飽冬則溫廐夏則涼廐刻剔毛鬣謹落四下戢其耳目無令驚駭習其馳逐閑其進止人馬相親然後可使刻剔其毛鬣使之疎通也謹落四下後之輕車騎之具鞍勒銜轡必令堅完凡馬不

必傷於始初不傷於饑必傷於飽日暮道遠必數上下寧勞於人慎勿勞馬常令有餘備敵我我能明此者橫行天下

論將第四

吳子曰夫總文武者軍之將也兼剛柔者兵之事也凡人論將常觀於勇勇之於將乃數分之一耳夫勇者必輕合合而不知利未可也故將之所慎者五一日理二日備三日果四日戒五日約理者治衆如治寡備者出門如見敵果者臨敵不懷生




戒者雖克如始戰約者法令省而不煩受命而不辭家敵破而後言返將之禮也故師出之日有死之榮無生之辱

吳子曰凡兵有四機一曰氣機二曰地機三曰事機四曰力機三軍之衆百萬之師張設輕重在於一人是謂氣機路狹道險名山大塞十夫所守千夫不過是謂地機善行間諜輕兵往來分散其衆使其君臣相怨上下相咎是謂事機車堅管轄舟利櫓楫士習戰陣馬閑馳逐是謂力機知此四者

乃可爲將然其威德仁勇必足以率下安衆懼敵決疑施令而下不敢犯所在寇不敢敵得之國強失之國亡是謂良將

吳子曰夫鞀鼓金鐸所以威耳旌旗麾幟所以威目禁令刑罰所以威心耳威於聲不可不清目威於色不可不明心威於刑不可不嚴三者不立雖有其國必敗於敵故曰將之所麾莫不從移將之所指莫不從死

吳子曰凡戰之要必先占其將而察其材因其形





而用其權則不勞而功舉其將愚而信人可詐而誘貪而忽名可貨而賂輕變無謀可勞而困上富而驕下貧而怨可離而間進退多疑其衆無依可震而走士輕其將而有歸志塞易開險可邀而取進道易退道難可來而前進道險退道易可薄而擊居軍下濕水無所通霖雨數至可灌而沉居軍荒澤草楚幽穢風颺數至可焚而滅停久不移將士懈怠其軍不備可潛而襲

武侯問曰兩軍相望不知其將我欲相之其術如

何起對曰令賤而勇者將輕銳以嘗之務於此無於得觀敵之來一坐一起其政以理其追北佯爲不及其見利佯爲不知如此將者名爲智將勿真戰也若其衆謹譁旌旗煩亂其足自行自止其兵或縱或橫其追北恐不及其見利恐不得此爲愚將雖衆可獲

應變第五

武侯問曰車堅馬良將勇兵強卒遇敵人亂而失行則如之何吳起對曰凡戰之法晝以旌旗旛麾



高 此何虞 敵若知 武侯

為節夜以金鼓笳笛為節麾左而左麾右而右鼓  
之則進金之則止一吹而行再吹而聚不從令者  
誅三軍服威士卒用命則戰無強敵攻無堅陳矣  
武侯問曰若敵眾吾寡為之奈何起對曰避之於  
易邀之於阨故曰以一擊十莫善於阨以十擊百  
莫善於險以千擊萬莫善於阻險者道路狹隘也  
阻者坑坎今有少卒卒起擊金鳴鼓於阨路雖有  
大衆莫不驚動故曰用衆者務易易平用少者務隘

險

武侯問曰有師甚衆既武且勇背大阻險右山左  
水深溝高壘守以強弩退如山移進如風雨糧食  
又多難與長守則如之何起對曰大哉問乎此非  
車騎之力聖人之謀也此非但用車騎之力能備  
千乘萬騎兼之徒步分為五軍各軍一衛夫五軍  
五衛敵人必惑莫之所加敵若堅守以固其兵急  
行間諜以觀其慮彼聽吾說解之而去不聽吾說  
斬使焚書敵若堅守壁壘以固其兵吾當急行間  
而夫則已不聽信吾說分為五戰戰勝勿追不勝

兵訣評

吳子

十四



疾走如是佯北安行疾鬪一結其前一絕其後兩軍銜枚或左或右而襲其處五軍交至必有其利此擊強之道也

武侯問曰敵近而薄我欲去無路我眾甚懼為之奈何起對曰為此之術若我眾彼寡分迭而乘之彼眾我寡以方法從之從之無息雖眾可服

武侯問曰若遇敵於谿谷之間傍多險阻彼眾我寡為之奈何起對曰遇諸丘陵林谷深山大澤疾行亟去勿得從容若高山深谷卒然相遇必先鼓

譟而乘之進弓與弩且射且虜審察其治亂則擊之勿疑

武侯問曰左右高山地甚狹迫卒遇敵人擊之不能去之不得為之奈何起對曰此謂谷戰雖眾不用募吾材士與敵相當輕足利兵以為前行分車列騎隱於四旁相去數里無見其兵敵必堅陳進退不敢於是出旌列旒行出山外營之敵人必懼車騎挑之勿令得休此谷戰之法也使我之銳卒反出于谷外則先搖其心矣



武侯問曰吾與敵相遇大水之澤傾輪沒轅水薄車騎舟楫不設進退不得為之奈何起對曰此謂水戰無用車騎且留其傍登高四望必得水情知其廣狹盡其淺深乃可為奇以勝之敵若絕水半渡而擊之

武侯問曰天久連雨馬陷車止四面受敵三軍驚駭為之奈何起對曰凡用車者陰濕則停陽燥則起貴高賤下馳其強車若進若止必從其道敵人若起必逐其迹貴隆高之地賤卑下之處

武侯問曰暴寇卒來掠吾田野取吾牛羊則如之何起對曰暴寇之來必慮其強善守勿應彼將暮去其裝必重其心必恐還退務速必有不屬追而擊之其兵可覆

吳子曰凡攻敵圍城之道城邑既破各入其宮御其祿秩收其器物軍之所至無刊其木無發其屋無取其粟無殺其六畜無燔其積聚示民無殘心其有請降者許而安之

勵士第六



武侯問曰嚴刑明賞足以勝乎起對曰嚴明之事臣不能悉雖然非所恃也夫發號施令而人樂聞與師動衆而人樂戰交兵接刃而人樂死此三者人主之所恃也武侯曰致之奈何對曰君舉有功而進饗之無功而勵之於是武侯設坐廟庭爲三行饗士大夫上功坐前行簡席兼重器上牢次功坐中行簡席器差減無功坐後行簡席無重器饗畢而出又頒賜有功者父母妻子於廟門外亦以功爲差有死事之家歲遣使者勞賜其父母著不

忘于心行之三年秦人興師臨於西河魏士陽也  
不待吏令介冑而奮者以萬數武侯召吳起而謂  
曰子前日之教行矣起對曰臣聞人有短長氣有  
**衰**君試發無功者五萬人臣謀率以當之脫其  
不勝取笑於諸侯失權於天下矣今使一死賊伏  
於曠野千人追之莫不梟視狼顧恐其暴起而害  
也。也是以一人投命足懼千夫今臣以五萬之衆  
而爲一死賊率以討之固難敵矣於是武侯從之  
乘車五百乘騎三千匹而破秦五十萬衆此勵士



之功也先戰一日吳起令三軍曰諸吏士當從受  
敵車騎與徒若車不得車騎不得騎徒不得徒雖  
敵軍皆無功故戰之日其令不煩而威震天下

防風茅元儀輯

兵訣評

司馬法

齊威王追論成周大司馬之法附司馬穰苴書

仁本第一

天子之義第二

定爵第三

嚴位第四



用衆第五

仁本第一

至者用  
本意

古者以仁爲本，以義治之。之謂正。正不獲意，則權。權出於戰，不出於中人。權之出於戰者，非中人之所能也。是故殺人安人，殺之可也，攻其國，愛其民，攻之可也。以戰止戰，雖戰可也。故仁見親，義見說，智見恃，勇見方。其所問方也。信見信，內得愛焉，所以守也。外得威焉，所以戰也。戰道不違，時不歷，民所以愛吾民也。不違背農作之時，不經歷疫病之時。不加喪，不因凶，所以愛夫其民也。愛隣

國之民也。冬夏不興師，所以兼愛其民也。兼愛本國隣國之民也。故國雖大好戰，必亡；天下雖安，忘戰，必危。天下既平，天子大饗，春蒐，秋獮，諸侯春振旅，秋治兵，所以不忘戰也。古者追奔不過百步，縱綏不過三舍，是以明其禮也。縱，作從，不戰而退軍爲綏。不窮不能而哀憐傷病，是以明其仁也。成列而鼓，是以明其信也。爭義不爭利，是以明其義也。又能舍服，是以明吾勇也。知終知始，是以明其智也。六德以時合教，以爲民紀之道也。自古之政也。以六德因時合衆而教之，以爲民紀之道。先王之

兵訣評 司馬法



治順天之道設地之宜取法天地自然之道官民之德而正

名治物立國辨職以爵分祿諸侯說懷海內來服

獄彌而兵寢聖德之至也其次賢王制禮樂法度

乃作五刑典甲兵以討不義巡狩省方會諸侯考

不同其有失命亂常悖德逆天之時而危有功之

君諸侯不職是敗天王之功而使之危于上也徧告於諸侯彰明有罪

乃告於皇天上帝日月星辰禱於后土四海神祇

山川豕社乃造於先王然後豕宰徵師於諸侯曰

某國為不道征之以某年月日師至於某國會天

子正刑豕宰與百官布令於軍曰入罪人之地

暴神祇無行田獵無毀土功無燔墻屋無伐林木

無取六畜禾黍器械見其老幼奉歸勿傷雖遇壯

者不校無敵敵若傷之醫藥歸之既誅有罪王及

諸侯修正其國舉賢立明正復厥職王伯之所以

治諸侯者六以土地形諸侯示形以政令平諸侯

以禮信諸侯以財力說諸侯以謀人維諸侯以兵

革服諸侯同利同患以合諸侯比小事大以和諸

侯會之以發禁者九會合諸侯以發明憑弱犯寡



則侯之賊賢害民則伐之聲罪致討暴內陵外則壇之

易其壇墀而更置其君野荒民散則削之負固不服則侵之

潛師以賊殺其親則正之放弑其君則殘之犯令

陵政則杜之外內亂禽獸行則滅之

天子之義第二

天子之義必純取法天地而觀於先聖士庶之義

必奉於父母而正於君長故雖有明君士不先教

不可用也古之教民必立貴賤之倫經使不相陵

德義不相踰材技不相掩勇力不相犯故方同而

意和也方向同也古者國容不入軍軍容不入國故德

義不相踰上貴不伐之士不伐之士上之器也苟

不伐則無求無求則不爭國中之聽必得其情軍

旅之聽必得其宜故材技不相掩從命為士上賞

犯命為士上戮故勇力不相犯為士者從上命則受上賞不受上命

則受上戮既致教其民然後謹選而使之事極修則百

官給矣教極省則民興良矣習貫成則民體俗矣

教化之至也古者逐奔不遠縱綏不及不遠則難

誘不及則難陷以禮為固以仁為勝既勝之後其

二備生意在教

上而器

概賞罰

竟軍力文武不

同道皆

教也

多世明

有功而

以人之

情則

人以不

代之

方能自

功

責上獨

不專迂



非

秋可復是以君子貴之也。以仁愛為制勝之道，有勝後教化可以復行。有  
 虞氏戒於國中，欲民體其命也。夏后氏誓於軍中，  
 欲民先成其慮也。殷誓於軍門之外，欲民先意以  
 待事也。周將交刃而誓之，以致民志也。夏后氏正  
 其德也，未用兵之刃，故其兵不雜。多殷義也，始用  
 兵之刃矣。周力也，盡用兵之刃矣。夏賞於朝，貴善  
 也。殷戮於市，威不善也。周賞於朝，戮於市，勸君子  
 懼小人也。三王彰其德一也。兵不雜則不利，長兵  
 以衛短兵，以守太長則難犯，太短則不及，太輕則

此

鉤鉞則易亂，太重則鈍，鈍則不濟。戊軍夏后氏  
 鉤車先正也。殷曰寅車先疾也。周曰元戎先良也。  
 旂夏后氏玄首人之執也。殷白天之義也。周黃也  
 之道也。章夏后氏以日月尚明也。殷以虎尚威也。  
 周以龍尚文也。師多務威則民誦，少威則民不勝。  
 上使民不得其義，百姓不得其叙，技用不得其利，  
 牛馬不得其任，有司陵之。此謂多威多威則民誦，  
 上不尊德而任詐慝，不尊道而任勇力，不貴用命  
 而用犯命，不貴善行而貴暴行，陵之有司，此謂少



威少威則民不勝軍旅以舒為主舒則民力足雖交兵致刃徒不趨車不馳逐奔不踰列是以不亂軍旅之固不失行列之政不絕人馬之力遲速不過誠命古者國容不入軍軍容不入國軍容入國則民德廢國容入軍則民德弱故在國言文而語濫在朝恭以遜修已以待人不召不至不問不言難進易退在軍抗而立行逐而果介者不拜兵車不式城上不趨危事不齒故禮與法表裏也文與武左右也古者賢王明民之德盡民之善故無

廢德無簡民賞無所生罰無所試有虞氏不賞不罰而民可用至德也夏賞而不罰至教也殷罰而不賞至威也周以賞罰德衰也賞不踰時欲民速得為善之利也罰不遷列欲民速覩為不善之害也大捷不賞上下皆不伐善上苟不伐善則不驕矣下苟不伐善則必亡等矣上下不伐善若此讓之至也大敗不誅上下皆以不善在已上苟以不善在已必悔其過下苟以不善在已必遠其罪上下分惡若此讓之至也古者戍軍三年不典藉覩





民之勞也、上下相報若此、和之至也、得意則凱歌、示喜也、偃伯靈臺、答民之勞、示休也、偃武於靈臺之下

定爵第三

凡戰定爵位、著功罪、收遊士、申教令、訊厥眾、求厥

技、方慮極物、比方謀慮、推極物情、變嫌推疑、變置所嫌、推明所疑、養力

索巧、休養民力、索用巧計、因心之動、因民心而動眾

凡戰固眾相利、堅固眾心、相度便利、治亂進止、觀兵治亂、審兵進止、服

正成恥、服從正道、成就恥心、約法省罰、簡約法制、小罪乃殺、小罪

勝大罪、殺小罪則犯小罪者懼而決勝、矢况犯大罪者不因以自奮乎

順天、阜財、懌眾、利地、右兵、是為五慮、順天奉時、寒

暑之時、阜財、因敵、因糧于敵、懌眾、勉若、若順也、勉則財阜、順眾、心則

悅、利地、守隘、險阻、右兵、弓矢禦、戈矛守、戈戟助、弓以

天而禦、以戈矛而守、以戈戟而助、是右兵也

凡五兵五當、上文五兵、各有所當、長以衛、短短以救、長迭戰

則久、皆戰則強、見物與侔、是謂兩之、見敵物即效、之與之相侔

不使獨有、而主固、勉若、視敵而舉、主將固當、勉順眾、心又當、視敵虛實

將心、心也、眾心、心也、同此、馬牛車兵、佚飽力也、同此



功教惟豫戰惟節將軍身也卒肢也伍指梅也惟

惟節故能如此

凡戰智也鬪勇也陳巧也用其所欲行其所能廢

其不欲不能於敵反是敵人所欲所能者吾則反廢之

凡戰有天有財有善時日不遷龜勝微行是謂有

天言當定時日占龜兆衆有有因生美是謂有財

衆人之有財有習陳利極物以豫是謂有善習人

戰陳之利而極其器物皆豫人勉及任是謂樂人人勉於任使人

大軍以固多力以煩堪物簡治見物卒應是謂行

豫軍陳固士力多教習煩矣又簡擇堪物者治之隨所見事物而應于卒然輕車輕

弓矢固禦是謂大軍車徒弓矢皆利密靜多內力是謂固

陳謹密安靜而又多內力因是進退是謂多力因陳勢之固而相時以進

退上暇人教是謂煩陳在上閑暇人又教然有以

職是謂堪物各有專職因是辨物是謂簡治因是堪物之人以辨

別衆物稱衆因地因敵令陳攻戰守進退止前後序

車徒因是謂戰參此臨戰參詳之道也不服不信不和怠疑

厭懾枝柱訕煩肆崩緩是謂戰患驕驕懾懾吟曠

虞懼事悔是謂毀折大小堅柔參伍衆寡凡兩是



謂戰權凡事執兩端而酌之

凡戰間遠月間以觀邇觀望以因時因天因財因

益貴信惡疑作兵義義振作其作事時因時使人惠

見敵靜見亂暇軍中驚亂宜見危難無忘其衆不可

遺忘居國惠以信在軍廣以武廣刃上果以敏兵

相接之上當居國和在軍法法度刃上察凡事居

國見好在軍見方要見刃上見信

凡陳行惟疏則行列疏朗戰惟密戰關密固兵惟雜

長短相雜人教厚教以靜乃治安靜則威利章威

之利相守義則人勉以義相守慮多成則入

謀慮多成時中服厥次治則軍事次第可治物

既章目乃明軍士之目明辨矣慮既定心乃強進

退無疑見敵無謀先定聽誅無誑其名無變其旗

軍中有聽候誅戮者無誑詐

其名無變易旗號恐惑衆也因古則行誓作章人乃強誓

事善則長惟善則因古則行誓作章人乃強內

一作章明則滅厲祥鹿厲不祥之事當滅厲之道

六畜發而強滅息之恐生疑惑滅厲之道

一日義被之以信臨之以強成基一天下之形據

人莫不說是謂兼得其人斯則英雄皆說歸乎

兵訣評 司馬法



一曰權成其溢成就其盈奪其好我自其外使自

其內奪其喜好之人我自外一曰人賢二曰正正道

三曰辭命四曰巧命五曰火火攻六曰水水攻七曰兵兵器

是謂七攻七政皆所以榮利恥死是謂四守榮利

羞恥死戮四者皆以勵將士容色積威不過改意

使之謹守而不敢犯者也過欲人更改志意以為善也

惟仁有親有仁無信反敗辱身

人人正正辭辭火火言四者之用貴得其宜不可妄用也

凡戰之道既作其氣因發其政假之以色道之以

因懼而戒因欲而事陷敵制地以職命之是謂

戰法

凡人之形因眾之求試以名行必善行之人之行法惟求

眾人之所能行者試之以名若行不行身自將之

與行必合于善然後行之若行而行因使勿忘三乃成

天下必身先自將之若行而後已人生之宜謂

章再行法而可行因使勿遺忘之焉人生之宜謂

之法乃強人生之所宜者凡治亂之道治軍國壞一曰仁二曰信三曰直四

曰一法令五曰義六曰變知變七日專通



立法立軍國之法 一曰受量能容受 二曰法守堅 三曰立守堅 四

曰疾治甲冑 五曰御其服等服 六曰等其色別旂章之色 七

曰百官宜無淫服凡軍使法在已 曰專法自出 與下

畏法曰法使人畏法 軍無小聽戰無小利日成行微曰

道不聽小謀不爭小利日圖成功而行事微妙為正道

凡戰正不行則事專不服則法不相信則一凡戰事合

正道矣若勢不行則專一以行之下不服若怠則

動之若疑則變之若人不信上則行其不復以動振

其怠變更以釋其疑行古 自古之政也

嚴位第四

凡戰之道位欲嚴嚴政欲栗 栗戰力 欲窵輕氣 欲闕

心欲一

凡戰之道等道義差等道義之 立卒伍定行列正

縱橫察名實立進俯俯立而進者 坐進跪坐而進者

畏則密畏敵則密 危則坐危難則蹲坐 以遠者視

之則不畏敵遠而瞭視 邇者勿視則不散敵近而

則眾位下左兵事尚右故軍右 下甲右位為尊故

不散位下左位以左為下 軍右帶甲者居右

之坐視徐行之跪而誓戒 位速徒甲徒卒甲士 籌

武備志卷三 兵訣評 司馬法

御軍 法止 編 五字盡 戰道

三篇文 多變解 之 知理



亦

不惟泄  
亦致  
既急

以輕重而等度輕重振馬噪徒甲畏亦密之馬呼噪

不止徒甲有畏心則跪坐坐服則膝行而寬誓之

軍中跪而坐坐而伏之時皆用起噪鼓而進則以

鐸止之呼噪而起鼓之而進銜枚誓糗坐膝行而

推之枚形似著銜於口結於項後以止誼譁者誓

之執糗令眾預備乾糧也若坐時欲稟事必膝行

太甚則勿戮殺示以顏色告之以所生循省其職

眾心畏甚則勿戮殺當寬示以顏色開告

凡三軍人戒分日凡行三軍眾入誓戒在於分人

禁不息不可以分食眾入若禁之不息則方其

惑可師可服敵入疑惑之時

凡戰以力久人可飽佚以氣勝以固久陳勢堅固

以危勝置之危地則本心固本之人心而新氣勝

士卒新用者以甲固以兵勝取勝以兵器

凡車以密固車必密布徒以坐固徒卒蹲坐則甲

以重固甲以厚兵以輕勝乃兵輕利

人有勝心惟敵之視欲勝敵當人有畏心惟畏之

觀畏將則勝兩心交定兩利若一兩為之職惟權



視之既有勝敵之心又有畏將之心而兩心皆定

戰主也然又當用權變以視其所勝所畏之何如

凡戰以輕行輕則危入人之地不深為輕地以

重行重則無功入人之地深背城邑多者為重地

故無以輕行重則敗卒輕銳倍道以重行輕則戰

以重兵行輕故戰相為輕重兵之輕重與地之

地利于速戰故戰相為輕重兵之輕重與地之

舍謹兵甲舍止必謹備兵行慎行列戰謹進止

凡戰敬則慊率則服正身率下上煩輕兵勢輕弱則

上暇重兵上閒暇則奏鼓輕舒鼓重奏疾行也舒緩

之輕重為節服膚輕服美重服色膚淺則兵容重

凡馬車堅甲兵利輕乃重承上言如此則雖上同

無獲上人阿比不公上專多死上人專擅上生多

疑上人持必生之心則上死不勝上人持必死之

能有故不能決而多疑阻上死不勝上人持必死之

凡人死愛有惠愛及人死怒激之使怒死威臨之

死義勸之以義死利誘之以利凡戰之道教

約人輕死以教令約束道約人死正以道義約束

証



凡戰若勝若否若天若人若順也時勢可勝與否

凡戰三軍之戒無過三日誓戒三軍當預一

半之警無過分日警戒一卒當預一人之禁無過

皆息禁止一人之令當皆在瞬息之間

凡大善用本其次用末善之大者貴用本以制勝

守微是也守其微妙本末惟權戰也

此戰之道也之用隨乎權變

凡勝三軍一人勝凡勝敵之三軍者不

凡鼓凡鼓之鼓旌旗聽鼓聲而合鼓車聽鼓聲而鼓

馬鼓徒鼓兵聽鼓聲而馬駢行也鼓首鼓足而首為

四顧前後左右足七鼓兼齊戰時必兼

凡戰既固勿重我軍既堅固既當重進勿盡

危重兵進戰常見可而止勿得

凡戰非陳之難使人可陳難列陳不難使人非使

可陳難使人可用難使人可用我陳為難非知之難

行之難能行之為難也

人方有性性州異教成俗四方之人各有稟性以

變化俗州異道化俗州域而異但教率之則

成俗道感化之則可成俗眾寡若

此合練之道也



言衆言

皆不勝

不獲也

衆不自

多雖衆

而不見

其多與

無人同

故亦不

獲

勝若否、兵不告利、甲不告堅、車不告固、馬不告良、

衆不自多、未獲道、凡兵之用衆用寡、或勝或不勝、

言堅、車欲固而不言固、馬欲良而不言良、

衆欲多而不自多、此皆未得戰道者也、

凡戰勝、則與衆分、若將復戰、則重賞罰、若使不勝、

取過在已、復戰則誓已居前、自已居前列、無復先術、復無

先任、勝否勿反、是謂正則、勝否皆勿反、持此道、

凡民、凡用以仁救、以仁救以義戰、以義戰以智決、

以勇鬪、以勇使以信專、以信專以利勸、以利勸以功勝、以功勝

故心中仁、行中義、堪物智也、堪理萬物、堪

大勇也、堪任大敵、堪久、信也、堪于持久、讓以和、

自治、遜讓和厚、則人自予、以不循、不循、則外以自歸、

賢以為人、爭相賢譽、則惟知說其心、効其力、總結

言如此、則人心喜、言如此、則人心喜、

凡戰、擊其微、靜避其強、靜、敵人微弱而靜、則擊之、

擊其勞、倦避其閒、窺擊其大、懼避其小、懼、敵人恐懼、則

擊之、若小懼是、自古之政也、

用衆第五、

凡戰之道、用寡固、用衆治、兵寡宜固、陳、兵衆宜整、治、寡利、煩衆

兵訣評 司馬法

十五



遺盡此

正。寡者利。煩數變化。用衆進止。用寡進退。在進  
 止。整齊用寡。衆以合。寡則遠。衆而闕之。我衆敵寡  
 在進。退疾速。衆以合。寡則遠。衆而闕之。而與之合  
 戰宜遠。暴於外。而闕其。若分而迭擊。寡以待衆。分若  
 一處。所謂圍師。必闕也。若自用之。若衆人疑。若衆人疑  
 兵更迭擊敵。則以。若衆疑之。則自用之。懼則宜自  
 我之寡。待敵之衆。若衆疑之。則自用之。懼則宜自  
 用權。擅利則釋旗。迎而返之。若敵專擅地利。則釋。釋  
 變。敵若衆。則相衆而受暴。敵若寡。則相衆而受暴。敵若  
 敵若衆。則相衆而受暴。敵若寡。則相衆而受暴。敵若  
 寡若畏。則避之。開之。避之。開之。以觀其動。則且。則且  
 凡戰。背風背高。使風在後。右高左險。左宜山陵。歷。歷  
 沛。歷地兼舍環龜。遇沛澤傾地之地。則歷而過之。皆。皆

此

不可

止也。凡戰。設而觀其作。設其形勢。以視敵而舉。實而舉。實而舉  
 事。待則循。而勿鼓。待衆之作。循其意。勿鼓。進吾兵。進吾兵  
 以待敵。衆之。攻則屯。而伺之。敵若攻我。則屯。吾兵。吾兵  
 作爲何如。之。攻則屯。而伺之。敵若攻我。則屯。吾兵。吾兵  
 凡戰。衆寡以觀其變。或用衆。或用寡。進退以觀其。進退以觀其  
 固。敵一進一退。以觀。危而觀其懼。觀其懼否。以靜而。以靜而  
 觀其怠。其怠。否。動而觀其疑。其疑。否。襲而觀。襲而觀  
 其治。潛師襲之。以擊其疑。敵疑。惑。加其卒。敵人倉。敵人倉  
 兵加。致其屈。以兵擾之。使襲其規。敵陳規。整則潛。整則潛  
 之。其力困屈。使襲其規。敵陳規。整則潛。師襲之。而使之。師襲之而使之



亂因其不避敵不畏避則阻其圖奪其慮乘其懾

凡從奔勿息追敵之敗奔者勿得止息敵人或止於路則慮之

慮其

凡近敵都必有進路退必有反慮進必得其前進

之慮

凡戰先則弊後則懾先敵而動則力必弊息則怠

不息亦弊息久亦反其懾專務休息則士生怠心

能反生畏懾

書親絕是謂絕顧之慮必入敵境雖親近之書亦

選良次兵是謂益人之強選良材以次其兵棄任

節食是謂開人之意棄其負任之物約持糧食示

志奮自古之政也



武備志卷四

武備志卷四

防風茅元儀輯

兵訣評

六韜一

文韜

文師第一

盈虛第二

國務第三

大禮第四

武備志卷四

兵訣評

六韜一

一



明傳第五

六守第六

守土第七

守國第八

上賢第九

舉賢第十

賞罰第十一

兵道第十二

武韜

發啓第十三

文啓第十四

文伐第十五

順啓第十六

三疑第十七

龍韜

王翼第十八

論將第十九

選將第二十



- 立將第二十一
- 將威第二十二
- 勵軍第二十三
- 陰符第二十四
- 陰書第二十五
- 軍勢第二十六
- 奇兵第二十七
- 五音第二十八
- 兵徵第二十九

農器第三十

虎韜

- 軍用第三十一
- 三陣第三十二
- 疾戰第三十三
- 必出第三十四
- 軍略第三十五
- 臨境第三十六
- 動靜第三十七



金鼓第三十八

絕糧第三十九

略地第四十

火戰第四十一

壘虛第四十二

豹韜

林戰第四十三

突戰第四十四

敵強第四十五

敵武第四十六

烏雲山第四十七

烏雲澤兵第四十八

少衆第四十九

分險第五十

犬韜

分合第五十一

武鋒第五十二

練士第五十三



教戰第五十四

均兵第五十五

武車士第五十六

武騎士第五十七

戰車第五十八

戰騎第五十九

戰步第六十

文韜

文師第一

文王初遇  
尚立以為師

文王將田史編布卜曰田於渭陽將大得焉非龍

非虜非虎非熊兆得公侯天遺汝師以之佐昌

及三王文王曰兆致是乎

問前入卜兆  
曾致此否

史編曰編

之太祖史疇為禹占得臯陶兆比於此文王乃齋

三日乘田車駕田馬田于渭陽卒見太公坐茅以

漁文王勞而問之曰子樂漁耶太公曰君子樂得

其志小人樂得其事今吾漁甚有似也文王曰何

謂其有似也太公曰鈞有三權

鈞有三等權術始  
馬以餌取魚既焉

香餌必有死魚終焉

今以祿取人等  
以餌取魚之權死

因魚之大小而異用祿等以權

必因  
官等以權必因

武師

兵訣評

六韜一

則萬  
生焉



其才之大小而異任，等于因魚之大小而異用之權。夫釣以求得也，其情深

可以觀大矣。文王曰：願聞其情。太公曰：淵深而水

流，水流而魚生之情也。根深而木長，木長而實生

之情也。君子情同而親，合親合而事生之情也。言

語應對者，情之飾也。言至情者，事之極也。今臣言

至情不諱，君其惡之乎？文王曰：惟仁人能受直諫，

不惡至情，何為其然？太公曰：緡微餌明，小魚食之，

緡網餌香，中魚食之，緡隆餌豐，大魚食之。夫魚食

其餌，乃牽於緡，人食其祿，乃服於君，故以餌取魚，

可殺，以祿取人，人可竭，以家取國，國可拔，以國

取天下，天下可畢。嗚呼！曼曼綿綿，其聚必散，

昧昧其光，必遠。微哉！聖人之德，誘乎獨見樂哉！

之以德而誘人歸者也。固其所獨見而獨樂者也。聖人之慮，各歸其次，而

立斂焉。惟聖人有獨見，故慮人各有所歸。文王曰：

立斂何若？而天下歸之。太公曰：天下非一人之天

下，乃天下之天下也。同天下之利者，則得天下。擅

天下之利者，則失天下。天有時，地有財，能與人共

之者，仁也。仁之所在，天下歸之。免人之死，解人之

說字



難救人之患。濟人之急者。德也。德之所在。天下歸之。與人同憂同樂。同好同惡者。義也。義之所在。天下赴之。凡人惡死而樂生。好德而歸利。能生利者。道也。道之所在。天下歸之。文王再拜曰。允哉。敢不受天之詔命乎。乃載與俱歸。立為師。

盈虛第二 氣化盈虛皆人事所致

文王問太公曰。天下熙熙。一盈一虛。一治一亂。指

言運所以然者何也。其君賢不肖不等乎。其天時變化自然乎。太公曰。君不肖。則國危而民亂。君賢聖。

則國安而民治。禍福在君。不在天時。文王曰。古

賢聖可得聞乎。太公曰。昔者帝堯之王天下也。上

世所謂賢君也。文王曰。其治如何。太公曰。帝堯王

天下之時。金銀珠玉不飾。錦繡文綺不衣。竒怪珍

異不視。玩好之器不寶。淫泆之樂不聽。宮垣屋室

不塗。薨楠椽楹不斲。茅茨偏庭不剪。鹿裘禦寒。布

衣掩形。糲梁之飯。藜藿之羹。不以役作之故。害民

耕織之時。削心約志。從事于無為。吏忠正奉法者

尊其位。廉潔愛人者厚其祿。民有孝慈者愛敬之。



盡力農桑者慰勉之、旌別淑慝、表其門閭、平心正節、以法度禁邪偽、所憎者有功必賞、所愛者有罪必罰、存養天下鰥寡孤獨、賑贍禍亡之家、其自奉也甚薄、其賦役也甚寡、故萬民富樂而無饑寒之色、百姓戴其君如日月、尊也親其君如父母、文王曰：大哉賢德之君也。

國務第三

文王問太公曰：願聞為國之大務。欲使主尊人安為之奈何？太公曰：愛民而已。文王曰：愛民奈何？

公曰：利而勿害、成而勿敗、生而勿殺、予而勿奪、而勿苦喜而勿怒。文王曰：敢請釋其故。太公曰：民不夫務、則利之、使民不失常生之務是利之也、農不失時、則成之、薄賦斂、則予之、儉宮室臺榭、則樂之、吏清不苛擾、則喜之、民失其務、則害之、農失其時、則敗之、無罪而罰、則殺之、重賦斂、則奪之、多營宮室臺榭、以疲民力、則苦之、吏濁苛擾、則怒之、故善為國者、馭民如父母之愛子、如兄之愛弟、見其饑寒、則為之憂、見其勞苦、則為之悲、賞罰如加於身、賦斂如取於



已此愛民之道也

大禮第四

君臣之大禮

文王問太公曰君臣之禮如何太公曰為上唯臨

唯能

為上之禮為下唯沉為下之禮臨而無遠無遠於民沉

而無隱無隱於君為上唯周德意周徧為下唯定分守安定周則

天也定則地也或天或地大禮乃成文王曰主位

如何太公曰安徐而靜柔節先定柔和節制而善

與而不爭虚心平志待物以正文王曰主聽如何

太公曰勿妄而喜勿逆而拒勿妄于聽信而許之勿逆其不可而拒之

許之則失守拒之則閉塞高山仰止不可及也

淵度之不可測也神明之德正靜其極文王曰主

明如何太公曰目貴明耳貴聰心貴智以天下之

自視則無不見也以天下之耳聽則無不聞也以

天下之心慮則無不知也輻奏並進則明不蔽矣

明傳第五

文王欲明傳於武王者

又王寢疾召太公望太子發在側曰嗚呼天將棄

予周之社稷將以屬汝今予欲師至道之言以明

傳之子孫太公曰王何所問文王曰先聖之道其



止者只  
是不及  
起者只  
是不過

所起其所止可得聞乎太公曰見善而怠時至而  
疑知非而處此三者道之所止也自止而柔而靜不進矣  
守有所恭而敬非偽強而弱不過忍而剛不過此四  
者道之所起也故義勝欲則昌欲勝義則亡敬勝  
怠則吉怠勝敬則滅

六守第六

人君當守仁義忠信勇謀之六者

文王問太公曰君主國民者其所失之者何也太  
公曰不謹所與也人君有六守三寶文王曰六守  
何也太公曰一曰仁二曰義三曰忠四曰信五曰

勇六曰謀是謂六守文王曰謹擇六守者何太公

曰富之而觀其無犯貴之而觀其無驕付之重而

觀其無轉志使之而觀其無隱情危之而觀其無

恐事之試以而觀其無窮富之而不犯者仁也貴

之而不驕者義也付之而不轉者忠也使之而不

隱者信也危之而不恐者勇也事之而不窮者謀

也人君無以三寶借人借人則君失其威文王曰

敢問三寶太公曰大農大工大商謂之三寶農一

其鄉則穀足工一其鄉則器足商一其鄉則貨足




三寶各安其處民乃不慮財用足而無所憂慮無亂其鄉無亂其族臣無富于君都無大于國六守長則君昌三寶全則國安

守土第七

文王謂太公曰守土奈何太公曰無疏其親無怠其衆撫其左右人之御其四旁之士無借人國柄借人國柄則失其權無掘壑而附丘人心有勢而又借已深而又掘之丘無舍本而治末國柄以益之是壑已高而又附之也無本而徒日中必慧暴操刀必割執斧必伐日中

不慧是謂失時操刀不割失利之期執斧不伐賊人將來涓涓不塞將為江河熒熒不救炎炎若何兩葉不去將用斧柯是故人君必從事于富不富無以為仁不施無以合親疎其親則害失其衆則敗無借人利器借人利器而為人所害而不終其世文王曰何謂仁義太公曰敬其衆合其親敬其衆則和合其親則喜是謂仁義之紀無使人奪汝威因其明順其常順者任之以德逆者絕之以力敵之勿疑天下和服





守國第八

文王問太公曰守國奈何太公曰齋將語君天地

之經四時所生仁聖之道民機之情王齋七日北

面再拜而問之太公曰天生四時地生萬物天下

有民聖人牧之故春道生萬物榮夏道長萬物成

秋道斂萬物盈冬道藏萬物靜盈則藏藏則復起

莫知所終莫知所始聖人配之以為天地經紀故

天下治仁聖藏天下亂仁聖昌至道皆然也此言

出處聖人之在天地間也其實所實固大矣以兵

常而視之則民安夫民動而為機機動而得失爭

矣故發之以其陰會之以其陽為之先倡而天下

和之極反其常莫進而爭莫退而遜聖人乃發之

刑會之以陽而為德澤聖人先倡于上而天下和

行之倡和之極則斯民反復于常道之中自然皆

得而無失莫進而爭亦莫退而遜矣

上賢第九

文王問太公曰王人者何上何下何取何去何禁

何止太公曰上賢下不肖取誠信去詐偽禁暴亂

止奢侈故王人者有六賊七害文王曰願聞其道



太公曰夫六賊者一曰臣有大作宮室池榭遊觀  
倡樂者傷王之德二曰民有不事農桑任氣遊俠  
犯歷法禁不從吏教者傷王之化三曰臣有結朋  
黨蔽賢智障主明者傷王之權四曰士有抗志高  
節以為氣勢外交諸侯不重其主者傷王之威五  
曰臣有輕爵位賤有司羞為上犯難者傷功臣之  
勞六曰強宗侵奪陵侮貧弱傷庶人之業七害者  
一曰無智略權謀而重賞尊爵之故強勇輕戰僥  
倖於外王者謹勿使為將二曰有名無實出入異

五之  
既賢  
皆

公  
公  
公  
公

言掩善揚惡進退為巧王者謹勿與謀三曰朴其  
身躬惡其衣服語無為以求名言無欲以求利此  
偽人也王者謹勿近四曰竒其冠帶偉其衣服博  
聞辯詞虛論高議以為容美窮居靜處而誹時俗  
此姦人也王者謹勿寵五曰讒佞苟得以求官爵  
果敢輕死以貪祿秩不圖大事貪利而動以高談  
虛論說于人主王者謹勿使六曰為雕文刻鏤技  
巧華飾而傷農事王者必禁七曰偽方異技巫蠱  
左道不祥之言幻惑良民王者必止之故民不盡



力。非吾民也。士不誠信。非吾士也。臣不忠諫。非吾臣也。吏不平潔。愛人。非吾吏也。相不能富國強兵。調和陰陽。以安萬乘之主。正君臣。定名寔。明賞罰。樂萬民。非吾相也。夫王者之道。如龍首。高居而遠望。深視而審聽。示其形。隱其情。若天之高。不可極也。若淵之深。不可測也。故可怒而不怒。姦臣乃作。可殺而不殺。大賊乃發。兵勢不行。敵國乃強。文王曰。善哉。

舉賢第十

文王問太公曰。君務舉賢而不能獲其功。世亂甚。以至危亡者。何也。太公曰。舉賢而不用。是有賢之名。而無用賢之實也。文王曰。其失安在。太公曰。其失在君好用世俗之所譽。而不得其賢也。文王曰。何如。太公曰。君以世俗之所譽者為賢。以世俗之所毀者為不肖。則多黨者進。少黨者退。若是則羣邪比周。而蔽賢。忠臣死于無罪。姦臣以虛譽取爵位。是以世亂愈甚。則國不免於危亡。文王曰。舉賢奈何。太公曰。將相分職。而各以官名舉人。按

一字千



名督實、選才考能、令實當其名、名當其實、則得舉賢之道也。

賞罰第十一

文王問太公曰、賞所以存勸、罰所以示懲、吾欲賞一以勸百、罰一以懲衆、爲之奈何、太公曰、凡用賞者、貴信用、罰者貴必、賞信、罰必、於耳目之所見聞、則所不見聞者、莫不陰化矣、夫誠暢于天地、通於神明、而况於人乎、

兵道第十二

武王問太公曰、兵道何如、太公曰、凡兵之道、莫過乎一、心專一者能獨往、獨來、無敵黃帝曰、一者階於道、機於神、用之在於機、顯之在於勢、成之在於君、故聖王號兵爲凶器、不得已而用之、今商王知存而不知亡、知樂而不知殃、夫存者非存於慮、亡樂者非樂於慮、殃今王已慮其源、曷憂其流乎、武王曰、兩軍相遇、彼不可來、此不可往、各設固備、未敢先發、我欲襲之、不得其利、爲之奈何、太公曰、外亂而內整、示饑而實飽、內精而外鈍、一合一離、一聚



陰陽  
化一不  
可測而

視變俟  
定只此

不惟用  
同民之  
情且使  
民不得  
不同我  
之情

一散陰其謀密其機高其壘伏其銳士寂若無聲  
敵不知我所備欲其襲其東武王曰敵知我情  
通我謀為之奈何太公曰兵勝之術密察敵人之  
機而速乘其利復疾擊其不意言兵之所以勝之術在乎我者宜密  
無使其知而通而吾又不可不知彼之機而速乘之也

武韜發啓第十三發啓憂民之道

文王在鄆召太公曰嗚呼商王虐極罪殺不辜公  
尚脇予憂民太公曰王其修德以下賢惠民以觀  
天道天道無殃不可先倡人道無災不可先謀必

見天殃又見人災乃可以謀必見其陽又見其陰  
乃知其心見其顯者隱者而必見其外又見其內  
乃知其意見其作外作內而必見其疏又見其親  
乃知其情見其所疏所親而行其道道可致也從  
其門門可入也立其禮禮可成也爭其強強可勝  
也全勝不鬪大兵無創與鬼神通微哉微哉與人  
同病相救同情相成同惡相助同好相趨故無甲  
兵而勝無衝機而攻無溝塹而守大智不智大謀  
不謀大勇不勇大利不利利天下者天下啓之害



天下者天下閉之以智謀勇利害天下者天下之人自以智謀勇利害天下者天下之人必閉之而不敵矣何也天下者非一人之天下乃天下之天下也取天下者若逐野獸而天下皆有分肉之心若同舟而濟濟則皆同其利敗則皆同其害然則皆有以啓之無有以閉之也無取於民者取民者也無取民者民利之無取國者國利之無取天下者天下利之故道在不可見事在不可聞勝在不可知微哉微哉鷲鳥將擊卑飛斂翼猛獸將搏獮耳俯伏聖人將動必有愚色今彼

有衆口相惑紛紛渺渺好色無極此亡國之聲也吾觀其野草菅勝穀吾觀其衆邪曲勝直吾觀其利暴虐殘疾敗法亂刑上下不覺此亡國之時也大明發而萬物皆照大義發而萬物皆利大兵發而萬物皆服大哉聖人之德獨聞獨見樂哉

文啓第十四 以文治啓文王

文王問太公曰聖人何守守執太公曰何憂何嗇萬物皆得何嗇何憂萬物皆道聖人無所憂慮吝嗇而萬民自得所自聚集政之所施莫知其化時之所在莫知其移聖人





守此而萬物化，何窮之有？終而復始，優而游之，展轉求之，求而得之，不可不藏。既以藏之，不可不行。既以行之，勿復明之。不自表著其功也。夫天地不自明，故能長生。聖人不自明，故能名彰。古之聖人聚人而為家，聚家而為國，聚國而為天下，分封賢人以為萬國。命之曰大紀。陳其政教，順其民俗，羣曲化直，變於形容。萬國不通，各樂其所。人愛其上，命之曰大定。嗚呼！聖人務靜之，賢人務正之，愚人不能正，政與人爭。上勞則刑煩，刑煩則民憂。民憂則流亡。

上下不安，其生累世不休。命之曰大失。天下之人如流水，障之則止，啓之則行。靜之則清，嗚呼！神哉！聖人見其始，則知其終。文王曰：靜之奈何？太公曰：天有常形，民有常生，與天下共其生而天下靜矣。太上因之，其次化之。夫民化而從政，是以天無為而成事，民無與而自富。此聖人之德也。文王曰：公言乃協予懷，夙夜念之，不忘以用為常。

文伐第十五 以文事伐人之法

文王問太公曰：文伐之法奈何？太公曰：凡文伐有



十二節一日因其所喜以順其志彼將生驕必有好事苟能因之必能去之驕其志而二日親其所愛以分其威一人兩心其中必衰廷無忠臣社稷必危三日陰賂左右得情甚深身內情外國將生害四日輔其淫樂以廣其志厚賂珠玉娛以美人卑辭委聽順命而合彼將不爭奸節乃定五日嚴其忠臣而薄其賂稽留其使勿聽其事亟為置伐遺以誠事親而信之其君將復合之苟能嚴之國乃可謀六日收其內間其外才人外相敵國內使

國鮮不亡七日欲錮其心必厚賂之收其左右忠愛陰示以利令之輕業而蓄積空虛八日賂以寶因與之謀謀而利之利之必信是謂重親重親之積必為我用有國而外其地必敗九日尊之以名無難其身示以大勢從之必信致其大尊先為之榮微飭聖人國乃大倫使自尊大十日下之必信以得其情承意應事如與同生既以得之乃微收之時及將至若天喪之與之相信十一日塞之以道人臣無不重貴與富惡危與咎陰示大尊而微輸重寶



高其氣  
更微于  
計

美女犬  
皆大勢  
皆亂臣  
之所致

收其豪傑、內積甚厚、而外為乏、陰內智士、使圖其  
計、內勇士、使高其氣、富貴甚足、而常有繁滋、徒黨  
已具、是謂塞之、有國而塞、安能有國、收彼豪傑、納  
彼智勇、以益  
吾之黨、十二日、養其亂臣、以迷之、進美女淫聲、以惑  
之、遺良犬馬、以勞之、時與大勢、以誘之、上察而與  
天下圖之、十二節備、乃武成事、所謂上察天下、察  
地、徵已見、乃伐之、

順啓第十六

順人心以啓  
發天下之事

文王問太公曰、何如而可以為天下、太公曰、

天下、然後能容天下、信蓋天下、然後能約天下、仁  
蓋天下、然後能懷天下、恩蓋天下、然後能保天下、  
權蓋天下、然後能之不失天下、事而不疑、則天運不  
能移、時變不能遷、此六者備、然後可以為天下政、  
故利天下者、天下啓之、害天下者、天下閉之、生天  
下者、天下德之、殺天下者、天下賊之、徹天下者、天  
下通之、窮天下者、天下仇之、安天下者、天下恃之、  
危天下者、天下災之、天下者、非一人之天下、惟有  
道者處之、



三疑第十七 武王所疑者三

武王問太公曰予欲立功有三疑恐力不能攻強

離親散眾為之奈何太公曰因之慎謀用財因敵

而能慎我之財夫攻強必養之使強益之使張太強

必折太張必缺攻強以強離親以親散眾以眾凡

謀之道周密為寶設之以專玩之以利爭心必起

欲離其親因其所愛與其寵人與之所欲示之所

利因以疏之無使得志彼貪利甚喜遺疑乃止凡

攻之道必先塞其明而後攻其強毀其大除民之

害淫之以色暗之以利養之以味娛之以樂

其親必使遠民勿使知謀扶而納之莫覺其意然

後可成惠施於民必無愛財民如牛馬數餵食之

從而愛之心以啓智智以啓財財以啓眾眾以啓

賢賢之有啓以王天下以吾心之智生財由是以

賢而致王矣以眾而致賢以

鬼神所志

三言  
啓者  
智也  
六言相  
見於



師志卷五

防風茅元儀輯

兵訣評

六韜二

龍韜

王翼第十八

王者行師必用人以為羽翼

人若用  
準式

武王問太公曰王者帥師必有股肱羽翼以成威神為之奈何太公曰凡舉兵師以將為命命在通達不守一術因能授職各取所長隨時變化以為紀綱故將有股肱羽翼七十二人以應天道備數



如法、審知命理、殊能異技、萬事畢矣、武王曰、請問其目、太公曰、腹心一人、主贊謀、應卒、揆天消變、總攬羣謀、保全民命、謀士五人、主圖安危、慮未萌、論行能、明賞罰、授官位、決嫌疑、定可否、天文三人、主司星曆、候風氣、推時日、考符驗、校災異、知天心、去就之機、地利三人、主軍行止、形勢利害、消息遠近、險易水涸山阻、不失地利、兵法九人、主講論異同、行事成敗、簡練兵器、救舉非法、通糧四人、主度飲食、備蓄積、通糧道、致五穀、令三軍不困乏、奮威四人、主擇才力、論兵革、風馳電掣、不知所由、伏旅三人、主服旗鼓、明耳目、詭符印、謬號令、聞忽往來、出入如神、股肱四人、主任重持難、脩溝塹、治壁壘、以備守禦、通才三人、主拾遺補過、應對賓客、議論談語、消患解結、權士三人、主行奇譎、設殊異、非人所識、行無窮之變、耳目七人、主往來聽言、視變覽四方之事、軍中之情、瓜牙五人、主揚威武、激勵三軍、使冒難犯銳、無所疑慮、羽翼四人、主揚名譽、震遠方、動四境、以弱敵心、遊士八人、主伺姦候變、開

冷着  
要着



冷着  
要着

闖人情觀敵之意以為間謀術士二人主為譎詐  
依托鬼神以惑衆心方士三人主百藥以治金瘡  
以痊萬病法筭二人主會計三軍營壘糧食財用  
出入其日一十八等

論將第十九

武王問太公曰論將之道奈何太公曰將有五材  
十過武王曰敢問其目太公曰所謂五材者勇智  
仁信忠也勇則不可犯智則不可亂仁則愛人信  
則不欺忠則無二心所謂十過者有勇而輕死者  
有急而心速者有貪而好利者有仁而不忍人者  
有智而心怯者有信而喜信人者有廉潔而不愛  
人者有智而心緩者有剛毅而自用者有懦而喜  
任人者勇而輕死者可暴殺也急而心速者可久  
持也貪而好利者可賂也仁而不忍人者可勞擾  
也智而心怯者可窘也信而喜信人者可誑也廉  
潔而不愛人者可侮也智而心緩者可襲也剛毅  
而自用者可事也事煩之也懦而喜任人者可欺也故  
兵者國之大事存亡之道命在於將將者國之輔



先王之所重也、故置將不可不察也、故曰、兵不兩勝、亦不兩敗、兵出踰境、期不十日、不有亡國、必有破軍、殺將、兩國不有一亡、則必有一破、此見將之關係最重、武王曰、善

選將第二十

武王問太公曰、王者舉兵、簡練英雄、知士之高下、為之奈何、太公曰、夫士外貌不與眾作中情相應者

十五、有賢而不肖者、有溫良而為盜者、有貌恭敬而心慢者、有外廉謹而內無恭敬者、有精精而無

溫良為盜此語甚毒

情者、外若詳細而中無情實有湛湛而無誠者、有好謀

決者、有如果敢而不能者、有恹恹而不信者、有恍恍惚惚而反忠實者、有詭激而有功效者、有外勇

而內怯者、有肅肅而反易人者、有嗃嗃而反靜慤者、外貌嚴厲而中反沉靜、慤慤有勢虛形劣、而出外無所不至、

無使不遂者、出外克稱任使天下所賤、聖人所貴、凡人不知、非有大明、不能見其際、此士之外貌、不與眾相

應者也、武王曰、何以知之、太公曰、知之有八證、一曰、問之以言、以觀其詳、二曰、窮之以辭、以觀其變、



三曰與之間謀以觀其誠四曰明白顯問以觀其德五曰使之以財以觀其廉六曰試之以色以觀其貞七曰告之以難以觀其勇八曰醉之以酒以觀其態八證皆備則賢不肖別矣

立將第二十一

武王問太公曰立將之道奈何太公曰凡國有難君避正殿召將而詔之曰社稷安危在一將軍今某國不臣願將軍帥師應之將既受命乃命太史卜齋三日之太廟鑽靈龜卜吉日以受斧鉞君入

廟門西面而立將入廟門北面而立君親操斧持首授將其柄曰從此上至天者將軍制之復操鉞持柄授將其刃曰從此下至淵者將軍制之見其虛則進見其實則止勿以三軍為眾而輕敵勿以受命為重而必死勿以身貴而賤人勿以獨見而違眾勿以辯說而必然士未坐而勿坐士未食而勿食寒暑必同如此士眾必盡死力將已受命拜而報君曰臣聞國不可從外治軍不可從中御二心不可以事君疑志不可以應敵臣既受命專斧

富機



此非要  
挾以變  
有臣之  
常體不  
可不一  
明言也

鉞之威臣不敢生還願君亦垂一言之命於臣君  
不許臣臣不敢將君許之乃辭而行軍中之事不  
聞君命皆由將出臨敵決戰無有二心若此則無  
天於上無地於下無敵於前無君於後是故智者  
為之謀勇者為之鬪氣厲青雲疾若馳驚兵不接  
刃而敵降服戰勝於外功立於內吏遷上賞百姓  
歡悅將無咎殃是故風雨時節五穀豐登社稷安  
寧武王曰善哉

將威第二十二

武王問太公曰將何以為威何以為明何以為禁  
止而令行太公曰將以誅大為威誅及於以賞小  
為明賞及於以罰審為禁止而令行用罰詳審則  
故殺一人而三軍震者殺之賞一人而萬民悅者  
賞之殺貴大賞貴小殺及當路貴重之人是刑上  
極也賞及牛豎馬洗廐養之徒是賞下通也刑上  
極賞下通是將威之所行也

勵軍第二十三

武王問太公曰吾欲三軍之眾攻城爭先登野戰



爭先赴聞金聲而怒惡聞鼓聲而喜樂為之奈何

太公曰將有三勝武王曰敢問其目太公曰將冬

不服裘夏不操扇雨不張蓋名曰禮將將不身服

禮無以知士卒之寒暑出隘塞犯泥途將必先下

步名曰力將將不身服力無以知士卒之勞苦軍

皆定次將乃就舍炊者皆熟將方就食軍不舉火

將亦不舉名曰止欲將將不身服止欲無以知士

卒之饑飽將與士卒共寒暑勞苦饑飽故三軍之

眾聞鼓聲則喜聞金聲則怒高城深池矢石繁下

士爭先登白刃始合士爭先赴士非好死而樂傷

也為其將知寒暑饑飽之審而見寒暑之明也

陰符第二十四

人主陰為符節以通將意

武王問太公曰引兵深入諸侯之地三軍卒有緩

急或利或害吾將以近通遠從中應外以給三軍

之用為之奈何太公曰主與將有陰符凡八等有

大勝克敵之符長一尺破軍擒將之符長九寸降

城得邑之符長八寸却敵報遠之符長七寸警眾

堅守之符長六寸請糧益兵之符長五寸敗軍亡



神而明  
之存乎  
其人

將之符長四寸，失利亡士之符長三寸，諸奉使行符稽留者，若符事泄告者，聞者皆誅之。八符者，主將秘聞，所以陰通言語，不泄中外相知之術。敵雖聖智，莫之能識。武王曰：善哉。

陰書第二十五

君將又有陰書以通陰符之所不能盡

武王問太公曰：引兵深入諸侯之地，主將欲合兵行無窮之變，圖不測之利，其事煩多，符不能明，相去遼遠，言語不通，為之奈何？太公曰：諸有陰事，大慮當用書，不用符。主以書遺將，將以書問主，書皆

一合而再離，三發而一知，再離者分書為三部，

發而一知者，言三人操一分，相參而不使知情也。

以一書分作三部，使三人各操一分，送與一人知之，而三人雖操亦不知情也。此謂陰書。

敵雖聖智，莫之能識。武王曰：善哉。

軍勢第二十六

軍行遲速之勢

武王問太公曰：攻伐之道奈何？太公曰：勢因於敵，家之動變，生於兩陣之間，奇正發於無窮之源，故至事不語，用兵不言，且事之至者，其言不足聽也。兵之用者，其狀不定，見也倏而往，忽而來，能獨專。

一部符  
武子

聖人精  
蘊



而不制者兵也聞則議見則圖知則困辯則危敵聞

此解非也言聞見則不免議圖知辯則困危正見之情則思議之見敵之情則思圖之知故善戰者

不待張軍善除患者理於未生勝敵者勝於無形

上戰無與戰故爭勝於白刃之前者非良將也設

備於已失之後者非上聖也智與衆同非國師也

技與衆同非國工也事莫大於必克用莫大於玄

默動莫大於不意謀莫大於不識夫先勝者先見

弱於敵而後戰者也故士半而功倍焉聖人徵於

天地之動孰知其紀循陰陽之道而從其候當天

地盈縮因以為常萬有死生因天地之形故曰未

見形而戰雖衆必敗善戰者居之不撓見勝則起

不勝則止故曰無恐懼無猶豫用兵之害猶豫最

大三軍之災莫過狐疑善戰者見利不失遇時不

疑失利後時反受其殃故智者從之而不失巧者

一決而不猶豫是以疾雷不及掩耳迅電不及瞑

目赴之若驚用之若狂當之者破近之者亡孰能

禦之夫將有所不言守者神也有所不見而視

者明也故知神明之道者野無橫敵對無立國武

不獨專處

辯則困

危正見

知辯知

議圖則

見則不

免議圖

也言聞

此解非

局也

無揮霍

遲而

以見

馬料



王曰善哉

奇兵第二十七

武王問太公曰凡用兵之法大要何如太公曰古

之善戰者非能戰於天上非能戰於地下其成與

敗皆由神勢得之者昌失之者亡夫兩陳之間出

甲陳兵縱卒亂行者所以為變也為變動不測之計深草

蓊鬱者所以遁逃也處軍於此為遁之備深谷險阻者所

以止車禦騎也止禦敵人之車騎隘塞山林者所以少擊

衆也借險阻之勢為助拘澤窈冥者所以匿其形也

無隱者所以戰勇力也疾如流矢擊如發機者所

以破精微也疾戰以破敵謀之精微詭伏設奇遠張誑誘者

所以破軍擒將也四分五裂者所以擊圓破方也

擊破敵入方圓之勢因其驚駭者所以一擊十也因其勞倦

暮舍者所以十擊百也奇技者所以越深水渡江

河也強弩長兵者所以踰水戰也踰水而戰長關遠候

暴疾謬遁者所以降城服邑也鼓行謹囂者所以

行奇謀也大風甚雨者所以搏前擒後也乘機以擊敵之

前掩敵之後偽稱敵使者所以絕糧道也絕敵糧道謬號令

念六事  
事真  
訣



與敵同服者所以備走北也戰必以義者所以勵  
衆勝敵也尊爵重賞者所以勸用命也嚴刑重罰  
者所以進罷怠也一喜一怒一予一奪一文一武  
一徐一疾者所以調和三軍制一臣下也處高敞  
者所以警守也便眺望保險阻者所以爲固也山林  
茂穢者所以默往來也往來潛默深溝高壘積糧多者  
所以持久也故曰不知戰攻之策不可以語敵不  
能分移不可以語奇不通治亂不可以語變故曰  
將不仁則三軍不親將不勇則三軍不銳將不智

則三軍大疑將不明則三軍大傾將不精微則三  
軍失其機將不常戒則三軍失其備將不強力則  
三軍失其職故將者人之司命三軍與之俱治與  
之俱亂得賢將者兵強國昌不得賢將者兵弱國  
亡武王曰善哉

五音第二十八

兵家察五音以佐勝之理

武王問太公曰律音之聲可以知三軍之消息勝  
負之決乎太公曰深哉王之間也夫律管十二其  
要有五音宮商角徵羽此真正聲也萬代不易五

此理甚微



行之神道之常也宮屬於中方之土神商屬西方

南方之火神羽屬北方之神金木水火土各以其勝

攻也然金克木木克土土克水水克火火古者三

皇之世虛無之情無為而治以制剛強無有文字皆由

五行者以制剛強五行之道天地自然六甲之

分微妙之神五行皆天地自然之道與六甲各有

庚辛屬金壬癸屬水且其神又極微妙如木

神曰青龍火神曰朱雀土神曰勾陳金神曰白虎

武是也其法以天清淨無陰雲風雨夜半遣輕

騎往至敵人之壘去九百步外徧持律管當耳大

呼驚之有聲應管其來甚微角聲應管當以白虎

徵聲應管當以玄武商聲應管當以朱雀羽聲應

管當以勾陳五管聲盡不應者宮也當以青龍其

應乎角音之管是敵陣木神用事矣當以白虎方

位日時勝之蓋角聲屬木白虎屬金以金能克木

也餘此五行之符佐勝之徵成敗之機武王曰善

哉太公曰微妙之音皆在外候言五音微妙又有

微相武王曰何以知之太公曰敵人驚動則聽之

符者聽其聞枹鼓之音者角也角屬木枹鼓以木為之

聲為角見火光者徵也徵屬火故見敵人之火則

聲之應光則知為徵聲之應聞金



鐵矛戟之音者商也。商屬金而金鐵矛戟皆金也為商聲之應聞人嘯呼之音者羽也。清亮嘯呼屬口口屬水羽亦屬水水聲應寂寞無聲者宮也。宮屬土土性靜而無此五音者聲色之符也。

兵徵第二十九

兵家勝負之徵兆

武王問太公曰吾欲未戰先知敵人之強弱豫見勝負之徵為之奈何太公曰勝負之徵精神先見明將察之其效在人謹候敵人出入進退察其動靜言語妖詳士卒所告凡三軍悅懌士卒畏法其

其命相喜以破敵相陳以勇相賢以威武此其徵也三軍數驚士卒不齊相恐以強敵相語以不利耳目相屬妖言不止眾口相惑不畏法令不重其將此弱徵也三軍齊整陳勢以固深溝高壘又有大風甚雨之利三軍無故旌旗前指金鐸之聲揚以清鞞鼓之聲宛以鳴此得神明之助大勝之徵也行陣不固旌旗亂而相遶逆大風甚雨之利士卒恐懼氣絕而不屬戎馬驚奔兵車折軸金鐸之聲下以濁鞞鼓之聲濕以沐此大敗之徵也凡



東南者  
陽西北  
者陰

攻城圍邑城之氣色如死灰城可屠城之氣出而  
北城可克城之氣出而西城可降城之氣出而南  
城不可拔城之氣出而東城不可攻城之氣出而  
復入城主逃北城之氣出而覆我軍之上軍必病  
城之氣出高而無所止用兵長久此勝負之徵凡  
攻城圍邑過旬不雷不雨必亟去之城必有大輔  
之人此所以知可攻而攻不可攻而止此勝負之  
徵見於天  
也武王曰善哉

農器第三十 以農器喻

一部周

武王問太公曰天下安定國家無爭戰攻之具  
無脩乎守禦之備可無設乎太公曰戰攻守禦之  
具盡在於人事言攻守之器具盡於  
農人之事相為符合耒耜者其行  
馬蒺藜也馬牛車輿者其管壘菽櫓也鋤耰之具  
其矛戟也箠節荳笠者其甲冑干櫓也鏃錘斧鋸  
杵臼其攻城器也牛馬所以轉輸糧也雞犬其伺  
候也婦人織紉其旌旗也丈夫平壤其攻城也春  
鋤草棘其戰車騎也夏耨田疇其戰步兵也秋刈  
禾薪其糧食儲備也冬實倉廩其堅守也田里相

武王問太公曰天下安定國家無爭戰攻之具  
兵訣評 六韜二



伍其約束符信也。里有吏官，有長其將帥也。里有周垣，不得相過其隊分也。輸粟取芻其廩庫也。春秋治城郭，脩溝渠，其塹壘也。故用兵之具，盡於人事也。善為國者，取於人事故，必使遂其六畜，闢其田野，究其處所。不使僕居。丈夫治田，有畝數，婦人織紉，有尺度。每日限其尺寸之度。是富國強兵之道也。武王曰：善哉。

平天下  
治六軍  
盡此五  
語

虎韜 軍用第三十一

武王問太公曰：王者舉兵，三軍器用攻守之具，科

衆寡，豈有法乎？太公曰：大哉！王之問也。夫攻

之具，各有科品，此兵之大威也。武王曰：願聞之。太

公曰：凡用兵之大數，將甲士萬人，法用武衛大扶

胥三十六乘，材士強弩，矛戟為翼，一車二十四人，

推之以八尺車輪，車上立旗鼓，兵法謂之震駭。陷

堅陣，敗強敵，武翼大櫓，矛戟扶胥。車上之蔽，七十二具，

材士強弩，矛戟為翼，以五尺車輪，絞車連弩，自副，

陷堅陣，敗強敵，提翼小櫓，扶胥。亦車上之蔽，一百四十

六具，絞車連弩，自副，以鹿車輪，陷堅陣，敗強敵，大

謂心言  
之亦宜  
術心察  
之

車凡七



器凡廿

黃參連弩大扶胥三十六乘材士強弩矛戟為翼  
 飛鳧電影自副飛鳧赤莖白羽以銅為首電影青  
 莖赤羽以鐵為首晝則以絳縞長六尺廣六寸為  
 光耀夜則以白縞長六尺廣六寸為流星陷堅陣  
 敗步騎大扶胥衝車從旁衝擊者也三十六乘螳螂虫名有奮擊之勢武士共載可以擊縱橫可以敗強敵輜車故取之  
 騎寇一名電車兵法謂之電擊陷堅陣敗步騎寇  
 夜來前矛戟扶胥輕車一百六十乘螳螂武士三  
 人共載兵法謂之霆擊陷堅陣敗步騎此上俱車此下

論器方首鐵楛維盼重十二斤柄長五尺以上千  
 百枚一名天楛大柯斧刃長八寸重八斤柄長五  
 尺以上千二百枚一名天槌敗步騎羣寇飛鈎長  
 八寸鈎芒長四寸柄長六尺以上千二百枚以投  
 其衆三軍拒守木螳螂劍刃扶胥廣二丈一百二  
 十具一名行馬平易地以步兵敗車騎木蒺藜去  
 地二尺五寸百二十具敗步騎要窮寇遮走北軸  
 旋短衝矛戟扶胥百二十具黃帝所以敗蚩尤氏  
 敗步騎要窮寇遮走北狹路微徑張鐵蒺藜芒高



四寸廣八尺長六尺以上千二百具敗走騎突  
來前促戰白刃接張地羅鋪兩鏃蒺藜叅連織女  
芒間相去二尺萬二千具曠野草中方胸挺矛千  
二百具張挺矛法高一尺五寸敗步騎要窮寇遮  
走北狹路微徑地陷鐵械鎖參連百二十具敗步  
騎要窮寇遮走北壘門拒守矛戟小櫓十二具絞  
車連弩自副三軍拒守天羅虎落鎖連一部廣一  
丈五尺高八尺百二十具虎落劍刃扶胥廣一丈  
五尺高八尺五百一十具渡溝塹飛橋一間廣一

丈五尺長二丈以上着轉關轆轤八具欲其以環

利通索張之欲其圍也渡大水飛江廣一丈五尺長二

丈以上八具以環利通索張之天浮鐵螳螂矩內

圓外徑四尺以上環絡自副三十二具以天浮張

飛江濟大海謂之天潢一名天船此言飛江及天

以濟山林野居結虎落柴營環利鐵鎖長二丈以

上千二百枚環利大通索大四寸長四丈以上六

百枚環利中通索大二寸長四丈以上三百枚環

利小微縲長二丈以上萬二千枚天雨蓋重車上



板結泉鉏鍤廣四尺長四丈以上車一具以鐵杖  
張之伐木大斧重八斤柄長三尺以上三百枚  
鏹刃廣六寸柄長五尺以上三百枚銅築固為垂  
長五尺以上三百枚鷹爪方胸鐵杷柄長七尺以  
上三百枚方胸鐵叉柄長七尺以上三百枚方胸  
兩枝鐵叉柄長七尺以上三百枚芟草木大鏃柄  
長七尺以上三百枚大櫓刃重八斤柄長六尺三  
百枚委環鐵杖長三尺以上三百枚椽杖大鎚重  
五斤柄長二尺以上百二十具甲士萬人強弩六

此車

千戟櫓一千矛楯二千脩治攻具砥礪兵器為巧  
手三百人此舉兵用之大數也武王曰允哉

三陳第三十二 天地人

武王問太公曰凡用兵為天陳地陳人陳奈何太  
公曰日月星辰斗柄一左一右一向一背此謂天

陳兵家取此象丘陵水泉亦有前後左右之利此謂地

陳兵家取此利用車用馬用文用武此謂人陳武王曰

善哉

疾戰第三十三 受圍疾戰之法



武王問太公曰敵人圍我斷我前後絕我糧道爲  
之奈何太公曰此天下之困兵也暴用之則勝徐  
用之則敗如此者爲四武衝陳以武車驍騎驚亂  
其軍而疾擊之可以橫行武王曰若已出圍地欲  
因以爲勝爲之奈何太公曰左軍疾左右軍疾右  
無與敵人爭道中軍迭前迭後以武車驍騎亂其  
軍而與敵人攻其陣矣敵人雖衆其將可走

必出第三十四

受圍必出之法

武王問太公曰引兵深入諸侯之地敵人四合而

兵論明  
志

我斷我歸道絕我糧食敵人既衆糧食甚多險  
阻又固我欲必出爲之奈何太公曰必出之道器  
械爲寶勇鬪爲首審知敵人空虛之地無人之處  
可以必出將士持玄旗操器械設旣枚夜出勇力  
飛走冒將之士居前平壘爲軍開道材士強弩爲  
伏兵居後弱卒車騎居中陳畢徐行慎無驚駭以  
武衝扶胥前後拒守武翼大櫓以蔽左右敵人若  
驚勇力冒將之士疾擊而前弱卒車騎以屬其後  
材士強弩隱伏而處審候敵人追我伏兵疾擊其



後多其火鼓若從地出若從天下三軍勇鬪莫我能禦武王曰前有大水廣塹深坑我欲踰渡無舟楫之備敵人屯壘限我軍前塞我歸道斥堠常戒險塞盡守車騎要我前勇士擊我後爲之奈何太公曰大水廣塹深坑敵人所不守或能守之其卒必寡若此者以飛江轉關與天潢以濟我軍勇力材士從我所指衝敵絕陣皆致其死先燔吾輜重燒吾糧食明告吏士勇鬪則生不勇則死已出令我踵軍後設雲火遠候必依草木丘墓險阻敵人車騎必不敢遠追長驅因以火爲記先出者令火而止爲四武衝陣如此則吾三軍皆精銳勇鬪莫我能止武王曰善哉

軍畧第三十五

武王問太公曰引兵深入諸侯之地遇深谿大谷險阻之水吾三軍未得畢濟而天暴雨流水大至後不得屬於前無有舟梁之備又無水草之資吾欲畢濟使三軍不稽留爲之奈何太公曰凡帥師將衆慮不先設器械不備教不精信士卒不習若



此不可以為王者之兵也。凡三軍有大事，莫不習用器械。若攻城圍邑，則有輶輜臨衝視城中，則有雲梯飛樓。三軍行止，則有武衝大櫓前後拒守。絕道遮街，則有材士強弩衛其兩旁。設營壘，則有天羅武落行馬。蒺藜晝則登雲梯，遠望立五色旌旗。夜則設雲火萬炬，擊雷鼓，振鞞鐸，吹鳴笳。越溝塹，則有飛橋轉關，轆轤鉏鋸。濟大水，則有天潢飛江。逆波上流，則有浮海絕江。三軍用備，主將何憂。

臨境第三十六

與敵臨境相拒之法

武王問太公曰：吾與敵人臨境相拒，彼可以來，我可以往，陳皆堅固，莫敢先舉，我欲往而襲之，彼亦可以來為之奈何？太公曰：兵分三處，令我前軍深溝增壘，而無出列旌旗，擊鞞鼓，完為守備。令我後軍多積糧食，無使敵人知我意。發我銳士潛襲其中，擊其不意，攻其無備。敵人不知我情，則止而不來矣。武王曰：敵人知我之情，通我之機動，則得我事。其銳士伏於深草，要我隘路，擊我便處為之奈何？太公曰：令我前軍日出挑戰，以勞其意。令我老



正傳志卷五  
弱曳柴揚塵鼓呼而往來或出其左或出其右去  
敵無過百步其將必勞其卒必駭如此則敵人不  
敢來吾往者不止或襲其內或擊其外三軍疾戰  
敵人必敗

動靜第三十七

武王問太公曰引兵深入諸侯之地與敵之軍相  
當兩陣相望衆寡強弱相等未敢先舉吾欲令敵  
人將帥恐懼士卒心傷行陳不固後陳欲走前陳  
數顧鼓噪而乘之敵人遂走爲之奈何太公曰如

此者發我兵去寇十里而伏其兩旁車騎百里而  
越其前後多其旌旗益其金鼓戰合鼓噪而俱起  
敵將必恐其軍驚駭衆寡不相救貴賤不相待敵  
人必敗武王曰敵之地勢不可以伏其兩旁車騎  
又無以越其前後敵知我慮先施其備我士卒心  
傷將帥恐懼戰則不勝爲之奈何太公曰誠哉王  
之問也如此者先戰五日發我遠候往視其動靜  
審候其來設伏而待之必於死地與敵相避遠我  
旌旗踈我行陣必奔其前與敵相當戰合而走擊



畢竟用  
伏只是  
引敵就  
我地耳

金而止三軍而還伏兵乃起或陷其兩旁或擊其  
前後三軍疾戰敵人必走武王曰善哉

金鼓第三十八

武王問太公曰引兵深入諸侯之地與敵相當而  
天大寒甚暑日夜霖雨旬日不止隘塞不守斥堠  
懈怠士卒不戒敵人夜來三軍無備上下惑亂為  
之奈何太公曰凡三軍以戒為固以怠為敗令我  
壘上誰何典誰何不絕人執旌旗外內相望以號  
相命勿令乏音而皆外向三千人為一屯戒而約

之各慎其處敵人若來視我軍之警戒至而必還  
力盡氣怠發我銳士隨而擊之武王曰敵人知我  
隨之而伏其銳士佯北不止遇伏敵而還或擊我  
前或擊我後或薄我壘吾三軍大恐擾亂失次離  
其處所為之奈何太公曰分為三隊隨而進之勿  
越其伏三隊俱至或擊其前後或陷其兩旁明號  
審令疾擊而前敵人必敗

絕道第三十九敵人絕我糧道而禦之之策

武王問太公曰引兵深入諸侯之地與敵相守敵



人絕我糧道，又越我前後，吾欲戰則不可勝，欲守則不可久，為之奈何？太公曰：凡深入敵人之境，必察地之形勢，務求便利，依山、林、險、阻、水、泉、林、木而為之固，謹守關、梁，又知城、邑、丘、墓、地、形、之、地，如是則我軍堅固，敵人不能絕我糧道，又不能越我前後。武王曰：吾三軍過大林、廣澤、平易之地，吾候望失誤，卒與敵人相薄，以戰則不勝，以守則不固，敵人翼我兩旁，越我前後，三軍大恐，為之奈何？太公曰：凡帥師之法，當先發遠候，去敵二百里，審知敵人所在地，勢、地、利，則以武衝為壘而前，又置兩軍於後，遠者百里，近者五十里，即有警急，前後相知，吾三軍常完堅，必無毀傷。武王曰：善哉。

略地第四十

武王問太公曰：戰勝，深入略其地，有大城不可下，其別軍守險，與我相拒，我欲攻城圍邑，恐其別軍卒至而薄我，中外相合，擊我表裡，三軍大亂，上下恐駭，為之奈何？太公曰：凡攻城圍邑，車騎必遠屯，衛警戒阻，其內外中人絕糧，外不得輸，城人恐怖。

可  
遠  
免其卒  
遇耳

而  
遇  
法



所謂弗  
置之死  
地也

其將必降武王曰中人絕糧外不得輸陰為約誓  
相與密謀夜出窮寇死戰其車騎銳士或衝我內  
或擊我外士卒迷惑三軍敗亂為之奈何太公曰  
如此者當分軍為三軍謹視地形而處審知敵人  
別軍所在及其大城別堡為之置遺缺之道以利  
其心謹備勿失敵人恐懼不入山林即歸大邑走  
其別軍車騎遠要其前勿令遺脫中人以為先出  
者得其徑道其練卒材士必出其老弱獨在車騎  
深入長驅敵人之軍必莫敢出慎勿與戰絕其糧

道圍而守之必久其日無燔人積聚無毀人宮  
冢樹社叢勿伐降者勿殺得而勿戮示之以仁義  
施之以厚德令其士民曰幸在一人如此則天下  
和服預先分軍三處其大城置一空缺使得出走  
吾以一軍要擊之以一軍禦其別軍以一軍  
入城於其老弱獨武王曰善哉  
在者撫之而勿殺

火戰第四十一 此言用火  
攻戰之法

武王問太公曰引兵深入諸侯之地遇深草莽周  
吾軍前後左右三軍行數百里人馬疲倦休止敵  
人因天燥疾風之利燔我上風車騎銳士堅伏吾



以火絕

於先  
爭終是  
危者

後吾三軍恐怖散亂而走為之奈何太公曰若此者則以雲梯飛樓遠望左右謹察前後見火起即燔吾前而廣延之又燔吾後敵人苟至即引軍而却按黑地而堅處敵人之來猶在吾後見火起必遠走吾按黑地而處強弩材士衛吾左右又燔吾前後若此則敵人不能害我武王曰敵人燔吾左右又燔吾前後煙覆吾軍其大兵按黑地而起為之奈何太公曰若此者為四武衝陳強弩翼吾左右其法無勝亦無負

虛壘第四十二

敵人以虛壘疑我而我應之之法

武王問太公曰何以知敵壘之虛實自來自去太公曰將必上知天道下知地理中知人事登高下望以觀敵人之變動望其壘則知其虛實望其士卒則知其去來武王曰何以知之太公曰聽其鼓無音鐸無聲望其壘上多飛鳥而不驚上無氛氣必知敵詐而為偶人也敵人卒去不遠未定而復反者彼用其士卒太疾也太疾則前後不相次不相次則行陳必亂如此者急出兵擊之以少擊衆



則必敗矣

武備志卷六

防風茅元儀輯

兵訣評

六韜 三終

豹韜 林戰第四十三 林中交戰之法

武王問太公曰引兵深入諸侯之地遇大林與敵人分林相拒吾欲以守則固以戰則勝爲之柰何太公曰使吾三軍分爲衝陳便兵所處弓弩爲表戟楯爲裏斬除草木極廣吾道以便戰所高置旌

道欲廣  
陣欲密

武備志卷六

兵訣評 六韜三



旗謹勅三軍無使敵人知吾之情是謂林戰林戰之法率吾矛戟相與為伍林間木疎以騎為輔戰車居前見便則戰不見便則止林多險阻必置衝陳以備前後三軍疾戰敵人雖眾其將可走更戰更息各按其部是謂林戰之紀

突戰第四十四

衝突戰鬪之法

武王問太公曰敵人深入長驅侵掠我地驅我牛馬其三軍大至薄我城下吾士卒大恐人民係累為敵所虜吾欲以守則固以戰則勝為之奈何

舊解于月之晦日非也每夜皆有晦時

以守為戰

公曰如此者謂之突兵其牛馬必不得食士卒糧暴擊而前令我遠邑別軍選其銳士疾擊其後審其期日必會于晦三軍疾戰敵人雖眾其將可虜武王曰敵人分為三四或戰而侵掠我地或止而收我牛馬其大軍未盡至而使寇薄吾城下致吾三軍恐懼為之奈何太公曰謹候敵人未盡至則設備以待之去城四里而為壘金鼓旌旗皆列而張別隊為伏兵令我壘上多積強弩百步一突門門有行馬車騎居外勇力銳士隱伏而處敵人



若至使我輕卒合戰而佯走令吾城上立旌旗擊  
鞀鼓完為守備敵人以為守城必薄吾城下發  
吾伏兵以衝其內或擊其外三軍疾戰或擊其前  
或擊其後勇者不得鬪輕者不及走名曰突戰敵  
人雖眾其將必走武王曰善哉

敵強第四十五 敵人強勇而與交戰之法

武王問太公曰引兵深入諸侯之地與敵人衝軍  
相當敵眾我寡敵強我弱敵人夜來或攻吾左或  
攻吾右三軍震動吾欲以戰則勝以守則固為之

奈何太公曰如此者謂之震寇利以出戰不可以  
守選吾材士強弩車騎為左右疾擊其前急攻其  
後或擊其表或擊其裏其卒必亂其將必駭武王  
曰敵人遠遮我前急攻我後斷我銳兵絕我材士  
吾內外不得相聞三軍擾亂皆敗而走士卒無鬪  
志將吏無守心為之奈何太公曰明哉王之間也  
當明號審令出我勇銳將之士人操炬火二人  
同鼓必知敵人所在或擊其表裏微號相知令之  
滅火鼓音皆止中外相應期約皆當三軍疾戰敵



武備志卷六  
必敗亡、武王曰善哉、

敵武第四十六 敵人武勇而與交戰之法

武王問太公曰、引兵深入諸侯之地、卒遇敵人、甚衆且武、武車馬騎繞我左右、吾三軍皆震、走不可止、爲之奈何、太公曰、如此者、謂之敗兵、善者以勝、不善者以亡、武王曰、爲之奈何、太公曰、伏我材士、強弩、武車、驍騎、爲之左右、常去前後三里、敵人逐我、發我車騎衝其左右、如此則敵人擾亂、吾走者自止、武王曰、敵人與我車騎相當、敵衆我少、敵

我弱、其來整治精銳、吾陳不敢當、爲之奈何、大曰、選我材士、強弩、伏于左右、車騎堅陳、而處敵人過我、伏兵積弩射其左右、車騎銳兵疾擊其軍、或擊其後、敵人雖衆、其將必走、武王曰、善哉、

烏雲山兵第四十七 處山之兵

武王問太公曰、引兵深入諸侯之地、遇高山磐石、其上亭亭、無有草木、四面受敵、吾三軍恐懼、士卒迷惑、吾欲以守則固、以戰則勝、爲之奈何、太公曰、凡三軍處山之高、則爲敵所棲、處山之下、則爲敵



此時只  
固守

武王問太公曰引兵深入諸侯之地與敵人臨水  
相拒敵富而衆我貧而寡踰水擊之則不能前欲  
久其日則糧食少吾居斥鹵之地四旁無邑又無  
草木三軍無所掠取牛馬無所芻牧爲之奈何太  
公曰三軍無備牛馬無食士卒無糧如此者索便  
詐敵而亟去之設伏兵于後武王曰敵不可得而  
詐吾士卒迷惑敵人越我前後吾三軍敗而走爲  
之奈何太公曰求途之道金玉爲主必因敵使精  
微爲寶當用金玉于敵使而求武王曰敵人知我  
是謂山城行列已定士卒已陳法令已行奇正已  
設各置衝陳于山之表便兵所處乃分車騎爲烏  
雲之陳三軍疾戰敵人雖衆其將可擒

烏雲澤兵第四十八 處澤之兵

此時方  
布陣

人疑六  
韜不言  
間此卽  
善用間

武王問太公曰引兵深入諸侯之地與敵人臨水  
相拒敵富而衆我貧而寡踰水擊之則不能前欲  
久其日則糧食少吾居斥鹵之地四旁無邑又無  
草木三軍無所掠取牛馬無所芻牧爲之奈何太  
公曰三軍無備牛馬無食士卒無糧如此者索便  
詐敵而亟去之設伏兵于後武王曰敵不可得而  
詐吾士卒迷惑敵人越我前後吾三軍敗而走爲  
之奈何太公曰求途之道金玉爲主必因敵使精  
微爲寶當用金玉于敵使而求武王曰敵人知我



也

百陣皆屬烏雲烏雲者陣之意

伏兵大軍不肯濟別將分隊以踰于水吾三軍大  
恐爲之奈何太公曰如此者分爲衝陳便兵所處  
須其畢出發我伏兵疾擊其後強弩兩旁射其左  
右車騎分爲烏雲之陣備其前後三軍疾戰敵人  
見我戰合其大軍必濟水而來發我伏兵疾擊其  
後車騎衝其左右敵人雖衆其將可走凡用兵之  
大要當敵臨戰必置衝陳便兵所處然後以車騎  
分爲烏雲之陳此用兵之奇也所謂烏雲者烏散  
而雲合變化無窮者也武王曰善哉

少衆第四十九

以少禦衆之法

武王問太公曰吾欲以少擊衆以弱勝強爲之奈何  
太公曰以少擊衆者必以日之暮伏于深草要  
之隘路以弱擊強者必得大國之與隣國之助武  
王曰我無深草又無隘路敵人已至不適日暮我  
無大國之與又無隣國之助爲之奈何太公曰安  
張詐誘以熒惑其將迂其途令過深草遠其路令  
會日暮前行未渡水後行未及舍發我伏兵疾擊  
其左右車騎擾亂其前後敵人雖衆其將可走事

迂途遠路尚有無限妙用



事大國之君易知下隣國之士難知

大國之君下鄰國之士厚其幣卑其辭如此則得大國之與鄰國之助矣武王曰善哉

分險第五十

遇險阻而分守之法

武王問太公曰引兵深入諸侯之地與敵人相遇於險阨之中吾左山而右水敵右山而左水與我分險相拒吾欲以守則固以戰則勝為之奈何太公曰處山之左急備山之右處山之右急備山之左此言處山險有大水無舟楫者以天潢濟吾三軍已濟者亟廣吾道以便戰所險此言處水以武衝

壘陣之法唯和向原最勝以險戰故也

為前後列其強弩令行皆固衢道谷口以武衝絕之高置旌旗是謂軍城凡險戰之法以武衝為前大櫓為衛材士強弩翼吾左右三千人為一屯必置衝陣便兵所處左軍以左右軍以右中軍以中並攻而前已戰者還歸屯所更戰更息必勝乃已此上言險戰之法武王曰善哉總之處險之法必合處山處水而言得乘險以寬其力

犬韜

分合第五十一

三軍既分而又合戰之法

武王問太公曰王者帥師三軍分為數處將欲期



會合戰、約誓賞罰、爲之奈何、太公曰、凡用兵之法、三軍之眾、必有分合之變、其大將先定戰地、戰日、然後移檄書與諸將吏期、攻城圍邑、各會其所、明告戰日、漏刻有時、大將設營而陳、立表轅門、清道而待、諸將吏至者、校其前後、先期至者賞、後期至者斬、如此、則遠近奔集、三軍俱至、併力合戰、

武鋒第五十二

選用勇武鋒銳以待敵之法

武王問太公曰、凡用兵之要、必有武車、驍騎、馳陣、選鋒、見可則擊之、如何而可擊、太公曰、夫欲擊

衝擊者足當詳之

營、審察敵人十四變、變見則擊之、敵人必敗、武

曰、十四變可得聞乎、太公曰、敵人新集可擊、人馬

未食可擊、天時不順可擊、地形未得可擊、奔走可

擊、不戒可擊、疲勞可擊、將離士卒可擊、涉長路可

擊、濟水可擊、不暇可擊、阻難狹路可擊、亂行可擊、

心怖可擊、

練士第五十三

武王問太公曰、練士之道、奈何、太公曰、軍中有大勇力、敢死樂傷者、聚爲一卒、名曰冒刃之士、有銳

共十一卒用其



力者六  
用其心  
者五心  
有時缺  
力無時  
乏練兵  
有不可  
不知

分其長  
則其技  
愈精合  
其黨則  
真心必  
固

武備志卷六

氣壯勇強暴者聚為一卒、名曰陷陳之士、有奇表  
長劍接武齊列者、聚為一卒、名曰勇銳之士、有披  
距伸鈎、強梁多力、潰破金鼓、絕滅旌旗者、聚為一  
卒、名曰勇力之士、有踰高絕遠、輕足善走者、聚為一  
卒、名曰寇兵之士、言能寇暴敵兵也有王臣失勢、復欲  
見功者、聚為一卒、名曰死鬪之士、有死將之人子  
弟欲為其將報讐者、聚為一卒、名曰死憤之士、有  
貧窮忿怒、欲快其志者、聚為一卒、名曰必死之士、  
有贅婿入虜、欲揚迹揚名者、聚為一卒、名曰勵鈍  
之士、有胥靡免罪之人、欲逃其耻者、聚為一卒、名  
曰幸用之士、有才技兼人、能負重致遠者、聚為一  
卒、名曰待命之士、言其待命于上也此軍之練士、不可不  
察也、

教戰第五十四

武王問太公曰、合三軍之眾、欲令士卒服習教戰  
之道、奈何、太公曰、凡領三軍、必有金鼓之節、所以  
整齊士眾者也、將必先明告吏士、申之以三令、以  
教操兵起居、旌旗指揮之變法、故教吏士、使一人

武備志卷六

兵訣評

六韜三

九



治衆如  
治寡

武○備○志○卷○九  
學○戰○教○成○合○之○十○人○十○人○學○戰○教○成○合○之○百○人○百○  
人○學○戰○教○成○合○之○千○人○千○人○學○戰○教○成○合○之○萬○人○  
萬○人○學○戰○教○成○合○之○三○軍○之○衆○大○戰○之○法○教○成○合○  
之○百○萬○之○衆○故○能○成○其○大○兵○立○威○于○天○下○武○王○曰○  
善○哉○

均兵第五十五 車騎步三者相兼用之法

武王問太公曰以車與步卒戰一車當幾步卒幾  
步卒當一車以騎與步卒戰一騎當幾步卒幾步  
卒當一騎以車與騎戰一車當幾騎幾騎當一車

易則車  
騎險則  
步聖人  
莫易

太○公○曰○車○者○軍○之○羽○翼○也○所○以○陷○堅○陣○要○強○敵○遮○  
走○北○也○騎○者○軍○之○司○候○也○所○以○踵○敗○軍○絕○糧○道○擊○  
便○寇○也○故○軍○騎○不○敵○戰○則○一○騎○不○能○當○步○卒○一○人○  
先○反○三○軍○之○衆○成○陳○而○相○當○此正言三軍之衆車  
言之勢○相○則○易○戰○之○法○一○車○當○步○卒○八○十○人○八○十○人○  
當當○一○車○一○騎○當○步○卒○八○人○八○人○當○一○騎○一○車○當○十○  
騎○十○騎○當○一○車○險○地○戰○之○法○一○車○當○步○卒○四○十○人○  
四○十○人○當○一○車○一○騎○當○步○卒○四○人○四○人○當○一○騎○一○  
車○當○六○騎○六○騎○當○一○車○夫○車○騎○者○軍○之○武○兵○也○十○



乘敗千人百乘敗萬人十騎走百人百騎走千人

此其大數也又申言車騎之勝步卒如此武王曰車騎之吏數

陳法奈何太公曰置車之吏數五車一長十車一

吏五十車一率百車一將車之吏數如此易戰之法五車

為列相去四十步左右十步隊間六十步險戰之

法車必循道十車為聚二十車為屯前後相去二

十步左右六步隊間五十六步五車一長縱橫相

去一里各返故道以車而易戰險置騎之吏數五

騎一長十騎一吏百騎一率二百騎一將騎之吏數如此

視之若  
江一字  
不可易

易戰之法五騎為列前後相去二十步左右四步

隊間五十步險戰者前後相去十步左右二步

間二十五步三十騎為一屯六十騎為一輩十騎

一吏縱橫相去百步周還各復故處以騎而易戰險戰之陳法

如武王曰善哉

武車士第五十六 此言車戰用武士之法

武王問太公曰選車士奈何太公曰選車士之法

取年四十以下長七尺五寸以上走能逐奔馬及

馳而乘之前後左右上下周旋能縛束旌旗力能



武備志卷六  
十一  
穀八石弩射前後左右皆便習者名曰武車之士不可不厚也

武騎士第五十七

武王問太公曰選騎士奈何太公曰選騎士之法取年四十以下長七尺五寸以上壯健捷疾超絕倫等能馳騎穀射前後左右周旋進退越溝塹登丘陵冒險阻絕大澤馳強敵亂大眾者名曰武騎士不可不厚也

戰車第五十八

武王問太公曰戰車奈何太公曰步貴知變動貴知地形騎貴知別徑奇道三軍同名而異用也

凡車之死地有十其勝地有八武王曰十死之地奈何太公曰往而無以還者車之死地也越絕險阻乘敵遠行者車之竭地也前易後險者車之困地也陷之險阻而難出者車之絕地也圯下漸澤黑土黏填者車之勞地也左險右易上陵仰阪者車之逆地也殷草橫畝犯歷浚澤者車之拂地也車少地易與步不敵者車之敗地也後有溝瀆左



有深水、右有峻阪者、車之壞地也、日夜霖雨、旬日不止、道路潰陷、前不能進、後不能解者、車之陷地也、此十者、車之死地也、故拙將之所以見擒、明將之所以能避也、武王曰、八勝之地奈何、太公曰、敵之前後行陳未定、卽陷之、旌旗擾亂、人馬數動、卽陷之、士卒或前或後、或左或右、卽陷之、陳不堅固、士卒前後相顧、卽陷之、前往而疑、後往而怯、卽陷之、三軍卒驚、皆薄而起、卽陷之、戰於易地、暮不能解、卽陷之、遠行而暮舍、三軍恐懼、卽陷之、此八者、車之勝地也、將明於十害、八勝、敵雖圍周、千乘萬騎、前馳、旁驅、萬戰必勝、武王曰、善哉、

戰騎第五十九

武王問太公曰、戰騎奈何、太公曰、騎有十勝、九敗、武王曰、十勝奈何、太公曰、敵人始至、行陣未定、前後不屬、陷其前騎、擊其左右、敵人必走、敵人行陳、整齊堅固、士卒欲鬪、吾騎翼而勿去、或馳而往、或馳而來、其疾如風、其暴如雷、白晝如昏、數更旌旗、變易衣服、其軍可竟、敵人行陣不固、士卒不鬪、薄



其前後獵其左右翼而擊之、敵人必懼、敵人暮欲歸舍、三軍恐駭、翼其兩旁、疾擊其後、薄其壘口、使無得入、敵人必敗、敵人無險阻保固、深入長驅、絕其糧路、敵人必饑、地平易、四面見敵、車騎陷之、敵人必亂、敵人奔走、士卒散亂、或翼其兩旁、或掩其前後、其將可擒、敵人暮返、其兵甚衆、其行陣必亂、令我騎士十而爲隊、百而爲屯、車五而爲聚、十而爲羣、多設旌旗、雜以強弩、或擊其兩旁、或絕其前後、敵將可擄、此騎之十勝也。言十勝而止、有武

王曰、九敗奈何、太公曰、凡以騎陷敵而不能出、敵人佯走、以車騎返擊我後、此騎之敗地也、追踰險、長驅不止、敵人伏我兩傍、又絕我後、此騎之圍地也、往而無以返、入而無以出、是謂陷于天井、頓于地穴、此騎之死地也、所從入者隘、所從出者遠、彼弱可以擊我強、彼寡可以擊我衆、此騎之沒地也、大澗深谷、翳茂林木、此騎之竭地也、左右有水、前有大阜、後有高山、三軍戰于兩水之間、敵居表裏、此騎之艱地也、敵人絕我糧道、往而無以還



此騎之困地也、汗下沮澤、進退漸洳、此騎之患地也、左有深溝、右有坑阜、高下如平地、進退誘敵、此騎之陷地也、此九者、地之死地也、明將之所以遠避、闇將之所以陷敗也。

戰步第六十

武王問太公曰、步兵與車騎戰奈何、太公曰、步兵與車騎戰者、必依丘陵險阻、長兵強弩居前、短兵弱弩居後、更發更止、敵之車騎雖衆而至、吾惟堅陣疾戰、材士強弩以備我後、武王曰、吾無丘陵、又

無險阻、敵人之至、既衆且武、車騎翼我兩旁、

步不當  
中即此  
可見

前後、吾三軍恐怖、亂敗而走、爲之奈何、太公曰、令我士卒爲行馬、木蒺藜置牛馬隊伍爲四武衝、陳望敵車騎將來、均置蒺藜掘地、匝後廣深五尺、名曰命籠、人操行馬、進步攔車、以爲壘、推而前後立、而爲屯、材士強弩備我左右、然後令我三軍皆疾戰而不解、武王曰、善哉。



武備志卷七

防風茅元儀輯

兵訣評

三畧

本太公所作黃石公嘗推演之授子房

上畧

中畧

下畧

上畧



若無施  
加之法  
則天下  
六宜奈  
天不可  
不深思  
之

夫主將之法務擊英雄之心賞祿有功通志於衆  
故與衆同好靡不成與衆同惡靡不傾治國安家  
得人也亡國破家失人也含氣之類咸願得其志  
軍讖曰柔能制剛弱能制強柔者德也剛者賊也  
弱者人之所助強者人之所攻柔有所設剛有所  
施弱有所用強有所加兼此四者而制其宜端末  
未見人莫能知天地神明與物推移變動無常因  
敵轉化不爲事先動而輒隨故能圖制無疆扶成  
天威康正八極蚤定九夷如此謀者爲帝王師

曰莫不貪強鮮能守微若能守微乃保其生聖  
存之以應事機舒之彌四海卷之不盈杯居之不  
以宅室守之不以城郭藏之胸臆而敵國服軍讖  
曰能弱能剛其國彌光能弱能強其國彌彰純柔  
純弱其國必削純剛純強其國必亡夫爲國之道  
恃賢與民信賢如腹心使民如四肢則策無遺所  
適如肢體相隨骨節相救天道自然其巧無問軍  
國之要察衆心施百務危者安之懼者歡之叛者  
還之寃者原之訴者察之卑者貴之強者抑之敵



為將措  
施之道  
此

者殘之。敵人殘

貪者豐之。將貪者足

欲者使之。其財用

其使

遂意，畏者隱之。隱而不露

謀者近之。與之親近

讒者覆之。覆而不用

毀者復之。反復審之

者招之，服者活之。

降者脫之，獲固守之。得堅固之處則守之

獲阨塞之，獲難屯之。得艱難之處則屯兵

獲城割之。割地賞功

地裂之。分裂封功

獲財散之，敵動伺之。

敵近備之，敵強

下之。卑下以驕之

敵佚去之。引去以避之

敵陵待之。當待其衰

敵

暴綏之，敵悖義之。以義服之

敵睦携之，順舉挫之。順理舉事

以挫敵氣，因勢破之。因勢出奇，以破敵衆

放言過之。軍中放言，敵勢則過謔之

不使惑衆，四網羅之。敵國有賢士，則四而得而勿有

地則自不，居而勿守。得敵居積，則散

拔而勿久

城不立，立而勿取。既立敵後，為者則已有之

久處，為知利之所在。始焉謀為攻敵之事，皆已有之

彼

為諸侯已為天子，使城自保，令士自處。終焉使有

侯已為天子，俾各自保其城，各處其上，世能祖祖，鮮能下下。世人但知以祖

禮尊其君，而不祖祖，為親下下，為君。祖祖固斯民

知以禮下其民，下下者，務耕桑，不奪其時，薄賦歛，不匱

君之道，其財罕徭役，不使其勞，則國富而家娛，然後選士

其財罕徭役，不使其勞，則國富而家娛，然後選士



以司牧之。夫所謂士者，英雄也。故曰：羅其英雄，則敵國窮；英雄者，國之幹；庶民者，國之本。得其幹，收其本，則政行而無怨。夫用兵之要在崇禮而重祿。禮崇則智士至，祿重則義士輕死。故祿賢不愛財，賞功不踰時，則下力併。敵國削，夫用人之道，尊以爵，贍以財，則士自來；接以禮，勵以義，則士死之。夫將帥者，必與士卒同滋味而共安危，敵乃可加。故兵有全勝，敵有全囚。士卒同心，則我能以全取勝，而敵之莫我當者，亦全囚乎。此昔者良將之用兵，有饋簞醪者，使投諸河，與士

卒同流而飲。夫一簞之醪，不能味一河之水，而軍之士思為致死者，以滋味之及已也。軍讖曰：軍井未達，將不言渴；軍幕未辦，將不言倦；軍竈未炊，將不言饑；冬不服裘，夏不揮扇，雨不張蓋，是謂將禮。與之安，與之危，故其衆可合而不可離，可用而不可疲。以其恩素蓄，謀素合也。故曰：蓄恩不倦，以一取萬。軍讖曰：將之所以為威者，號令也；戰之所以全勝者，軍政也；士之所以輕死者，用命也。故將無還令，賞罰必信，如天如地，乃可使人士卒用命。



不可不知

乃可越境夫統軍持勢者將也制勝敗敵者衆也故亂將不可使保軍垂衆不可使伐人攻城不可拔圖邑則不廢二者無功則士力疲敝士力疲敝則將孤衆悖以守則不固以戰則奔北是謂老兵兵老則將威不行將無威則士卒輕刑士卒輕刑則軍失伍軍失伍則士卒逃亡士卒逃亡則敵乘利敵乘利則軍必喪軍識曰良將之統軍也怨已而治人已澹泊而人必周洽推惠施恩士力日新戰如風發攻如河決故其衆可望而不可當可下而不可勝

人主與將俱當

以身先人故其兵爲天下雄軍識曰軍以賞爲人罰爲裡表裏就言先後賞罰明則將威行官人得則士卒服所任賢則敵國畏軍識曰賢者所適其前無敵故士可下而不可驕將可樂而不可憂謀可深而不可疑士驕則下不順將憂則內外不相信謀疑則敵國奮以此攻伐則致亂夫將者國家之命也將能致勝則國家安定軍識曰將能清能靜能平能整能受諫能聽訟能納人能採言能知國俗能圖山川能表險難能制軍權故曰仁賢之智聖明



之慮負薪之言賤者言廊廟之語興衰之事前代將

所宜聞將者能思士如渴則策從策士從之夫將拒諫

則英雄散策不從則謀士叛善惡同則功臣倦專

已則下歸咎自伐則下少功信讒則眾離心貪財

則奸不禁內顧則士卒淫將有一則眾不服有二

則軍無式有三則下奔北有四則禍及國軍讖曰

將謀欲密士眾欲一攻敵欲疾將謀密則奸心閉

士眾一則軍心結攻敵疾則備不及設軍有此三

者則計不奪將謀泄則軍無勢外窺內則禍不可

具人營則眾奸會將有此三者軍必敗將無慮

謀士去將無勇則士恐將妄動則軍不重將遷怒

則一軍懼軍讖曰慮也勇也將之所重動也怒也

將之所用此四者將之明誠也軍讖曰軍無財士

不來軍無賞士不往軍讖曰香餌之下必有死魚

重賞之下必有勇夫故禮者士之所歸賞者士之

所死招其所歸示其所死則所求者至故禮而後

悔者士不往賞而後悔者士不使禮賞不倦則士

爭死軍讖曰興師之國務先隆恩攻取之國務先

內顧則  
泣渺哉

詩

做語



養民以寡勝衆者恩也。以弱勝強者民也。故良將之養士不易於身故能使三軍如一心則其勝可全。良將之厚於養士有軍讖曰用兵之要必先察敵情視其倉庫度其糧食卜其強弱察其天地伺其空隙故國無軍旅之難而運糧者虛也。民菜色者窮也。千里饋糧士有饑色。樵蘇後爨師不宿飽。夫運糧千里無一年之食。二千里無二年之食。三千里無三年之食。是謂國虛。國虛則民貧。民貧則上下不親。敵攻其外民盜其內。是謂必潰。軍讖曰

上虐則下急。刻賦重斂。數刑罰無極。民相殘賊。是謂亾國。軍讖曰。內貪外廉。詐譽取名。竊公爲恩。令上下昏。飭躬正顏。以獲窩官。是謂盜端。軍讖曰。羣吏朋黨。各進所親。招舉奸枉。抑挫仁賢。背公立私。同位相訕。是謂亂源。軍讖曰。強宗聚奸。無位而尊。威而不振。葛藟相連。種德立恩。奪在位權。侵侮下民。國內誼譁。臣蔽不言。是謂亂根。軍讖曰。世世作姦。侵盜縣官。進退求便。委曲弄文。以危其軍。是謂國姦。軍讖曰。吏多民寡。尊卑相若。強弱相虜。莫

續語



適禁禦延及君子國受其害軍讖曰善善強進惡惡不退賢者隱蔽不肖在位國受其害軍讖曰枝葉強大比周居勢卑賤陵貴久而益大上不忍廢國受其敗軍讖曰佞臣在上軍皆訟引威自與動違於衆無進無退苟然取容專任自己舉措伐功誹謗盛德誣述庸庸無善無惡皆與已同和留行事命令不通造作苛政變古易常君用佞人必受禍殃軍讖曰姦雄相稱障蔽主明毀譽並興壅塞主聰各阿所私令主失忠故主察異言乃視萌主聘儒賢姦雄乃遷主任舊齒萬事乃理主禮巖穴士乃得實謀及負薪功乃可述不失人心德乃洋溢。

中畧

夫三皇無言而化流四海故天下無所歸功帝者體天則地有言有令而天下太平君臣讓功四海化行百姓不知其所以然故使臣不待禮賞有功美而無害不待禮賞有功之人而自王者制人以道降心服志設矩備衰四海會同王職不廢雖甲



兵之備而無戰鬪之患。君無疑於臣，臣無疑於主，國定主安。臣以義退，亦能美而無害。霸者制士以權，結士以信，使士以賞。信衰則士疏，賞虧則士不用。命軍勢曰：出軍行師，將在自專，進退內御，則功難成。軍勢曰：使智使勇，使貪使愚，智者樂立其功，勇者好行其志，貪者邀趨其利，愚者不顧其死。因其至情而用之，此軍之微權也。軍勢曰：無<sub>之</sub>辨士，談說敵美，爲其惑衆，無使仁者主財，爲其多施而附於下。軍勢曰：禁巫祝，不得爲吏士卜問軍之言。

凶軍勢曰：使義士不以財。

當以恩禮，不以財貨。

故義者不爲

不仁者死，智者不爲閻主謀，主不可以無德，無德則臣叛，不可以無威，無威則失權，臣不可以無德，無德則無以事君，不可以無威，無威則國弱，威多則身蹶。故聖王御世，觀盛衰，度得失，而爲之制。故諸侯二師，方伯三師，天子六師，世亂則叛逆生，王澤竭則盟誓相誅，伐德同勢，敵無以相傾，乃攬英雄之心，與衆同好惡，然後加之以權變，故非計策無以決嫌定疑，非譎奇無以破姦息寇，非陰計無

秘密



以成功。聖人體天。賢人法地。智者師古。是故三畧  
為衰世作。上畧設禮賞。別姦雄。著成敗。中畧差德  
行。審權度。下畧陳道德。察安危。明賊賢之咎。故人  
主深曉上畧。則能任賢擒敵。深曉中畧。則能御將  
統眾。深曉下畧。則能明盛衰之源。審治國之紀。人  
臣深曉中畧。則能全功保身。夫高鳥死。良弓藏。敵  
國滅。謀臣亡。亡者非喪其身也。謂奪其威廢其權  
也。封之於朝。極人臣之位。以顯其功。中州善國。以  
富其家。美色珍味。以悅其心。夫人眾一合而不可

此所以  
眾人主

位乃所  
以弱之  
國乃所  
以奪之

離。權威一與而不可卒移。還師罷軍。存亡之階。  
故弱之以位。奪之以國。是謂霸者之畧。故霸者之  
作。其論馭也。存社稷。羅英雄者。中畧之勢也。故勢  
主秘焉。權勢之主  
秘而不洩

下畧

夫能扶天下之危者。則據天下之安。能除天下之  
憂者。則享天下之樂。能救天下之禍者。則獲天下  
之福。故澤及於民。則賢人歸之。澤及昆虫。則聖人  
歸之。賢人所歸。則其國強。聖人所歸。則六合同求。





勿踐夫  
差皆降  
體也

賢以德致聖以道賢去則國微聖去則國乖微者  
危之階乖者亾之徵賢人之政降人以體聖人之  
政降人以心體降可以圖始心降可以保終降體  
以禮降心以樂所謂樂者非金石絲竹也謂人樂  
其家謂人樂其俗謂人樂其業謂人樂其都邑謂  
人樂其政令謂人樂其道德如此君人者乃作樂  
以節之使不失其和故有德之君以樂樂人無德  
之君以樂樂身樂人者久而昌樂身者不久而亾  
釋近謀遠者勞而無功釋遠謀近者佚而有終佚

政多忠臣勞政多怨民故曰務廣地者荒務廣德  
者強能有其有者安貪人之有者殘殘滅之政累  
世受患造作過制雖成必敗舍已而教人者逆正  
已而化人者順逆者亂之招順者治之要道德仁  
義禮五者一體也道者人之所蹈德者人之所得  
仁者人之所親義者人之所宜禮者人之所體不  
可無一焉故夙興夜寐禮之制也討賊報讎義之  
決也惻隱之心仁之發也得已得人德之路也使  
人均平不失其所道之化也出君下臣名曰命施



於竹帛名曰令、奉而行之名曰政、夫命失則令不行、令不行則政不立、政不立則道不通道不通則邪臣勝、邪臣勝則主威傷千里迎賢其路遠。難求致不肖其路近。易致是以明君舍近而取遠故能全功。尚人而下盡力。功高出於人而廢一善則衆善衰。賞一惡則衆惡歸。善者得其祐惡者受其誅則國安而衆善至衆疑無定國。衆惑無治民疑定惑還國乃可安。一令逆則百令失一惡施則百惡結故善施於順民惡令加於凶民則令行而無怨使怨

治怨是謂逆天。使怨者治怨人必違天理使讎治讎其禍不

治民使平致平以清則民得其所而天下寧犯上

者尊尊之貧鄙者富富之雖有聖王不能致其治犯上

者誅貪鄙者拘則化行而衆惡消清白之士不可

以爵祿得節義之士不可以威刑脇故明君求賢

必觀其所以致焉致清白之士脩其禮致節義之

士脩其道然後士可致而名可保夫聖人君子明

盛衰之源通成敗之端審治亂之機知去就之節

雖窮不處亾國之位雖貧不食亂邦之粟潛名抱

余嘗言禮勝於恩正謂此也

代詩志卷七 兵訣評 三畧



微語

道者時至而動則極人臣之位德合於已則建殊  
絕之功故其道高而名揚於後世聖王之用兵非  
樂之也將以誅暴討亂也夫以義誅不義若決江  
河而漑熿火臨不測而擠欲墜其克必矣所以優  
游恬淡而不進者重傷人物也夫兵者不祥之器  
天道惡之不得已而用之是天道也夫人之在道  
若魚之在水得水而生失水而死故君子常懼而  
不敢失道豪傑秉職國威乃弱殺生在豪傑國勢  
乃竭豪傑低首國乃可久殺生在君國乃可安四

微語

弊則不  
止外矣  
危哉  
外更有  
不全名  
一着  
人者可  
忌  
微語

民用虛國乃無儲四民用足國乃安樂賢臣內則  
邪臣外邪臣內則賢臣斃內外失宜禍亂傳世大  
臣疑主衆姦集衆臣當君尊上下乃昏君當臣處  
上下失序傷賢者殃及三世蔽賢者身受其害嫉  
賢者其名不全進賢者福流子孫故君子急於進  
賢而美名彰焉利一害百民去城郭利一害萬  
乃思散去一利百人乃慕澤去一利萬政乃不亂

武備志卷之二 兵訣評 三畧



武備志卷八

防風茅元儀輯

兵訣評

尉繚子

魏人鬼谷高弟因惠王聘陳兵法二十四篇

天官第一

兵談第二

制談第三

戰威第四



攻權第五

守權第六

十二陵第七

武議第八

將理第九

原官第十

治本第十一

戰權第十二

重刑令第十三

伍制令第十四

分塞令第十五

束伍令第十六

經卒令第十七

勤卒令第十八

將令第十九

踵軍令第二十

兵教上第二十一

兵教下第二十二



兵令上第二十三

兵令下第二十四

天官第一

梁惠王問尉繚子曰黃帝刑刑德德生可以百勝有

之乎尉繚子對曰刑以伐之德以守之非所謂天

官時日陰陽向背也黃帝者人事而已矣何者今

有城東西攻不能取南北攻不能取四方豈無順

時乘之者耶然不能取者城高池深兵器備具財

穀多積豪士一謀者也若城下低池淺守弱則取

之矣由是觀之天官時日不若人事也按天官

背水陣為絕地向阪陣為廢軍武王伐紂背濟水

向山阪而陣以二萬二千五百人擊紂之億萬而

滅商豈紂不得天官之陣哉楚將公子心與齊人

戰時有彗星出柄在齊柄所在勝不可擊公子心

曰彗星何知以彗鬪者固倒而勝焉明日與齊戰

大破之黃帝曰先神先鬼先稽我智謂之天官人

事而已黃帝言先聽信于鬼神不若先稽我之智識是謂之天官者不過盡我人事而已

兵談第二

式精志卷八 兵談評 尉繚子



量土地肥磽而立邑建城稱地狹廣以城稱人寡多以

人稱粟多寡三相稱則內可以固守外可以戰勝戰

勝于外備主于內勝備相應猶合符節無異故也

三者相稱無異治兵者若秘于地若邃于天生於無故開

之大不窕惟秘邃若此故其開啟之也大小不恢用之不流于輕窕小用之不待

于恢張明乎禁舍開塞民流者親之地不治者任之

夫土廣而任則國富民衆而制則國治富治者民

不發軔甲不出暴而威制天下故曰兵勝於朝廷

不暴甲而勝者主勝也陳而勝者將勝也兵起非

可以忿也見勝則興不見勝則止患在百里之內

不起一日之師不待患在千里之內不起一月之

師患在四海之內不起一歲之師將者上不制于

天下不制於地中不制於人寬不可激而怒清不

可事以財夫心狂耳聾目盲以三悖率人者難矣

兵之所及羊腸亦勝鋸齒亦勝緣山亦勝入谷亦

勝方亦勝圓亦勝重者如山如林如江如河輕者

如炮如燔如垣壓之如雲覆之令人聚不得以散

散不得以聚左不得以右右不得以左兵如總木

此五  
即謂  
狂聲




弩如羊角，人人無不騰陵，張膽絕乎疑慮，堂堂決而去。羊角，旋風也。行兵之勢，如總持木弩，發機迅疾而不可禦，如旋風直上而不可遏，則人人騰躍凌駕，張其膽，絕其疑，堂堂然決勝而往矣。

制談第三 談兵家之制

凡兵制必先定制，先定則士不亂，士不亂則刑乃明。金鼓所指，則百人盡鬪，陷行亂陳，則千人盡鬪，覆軍殺將，則萬人齊刃。天下莫能當其戰矣。言兵制之不定者，古者士有什伍，車有偏列，車衆十五為列，鼓鳴旗麾，先登者未嘗非多力國士也。先死者亦未嘗非多力國士也。損敵一人而損我百人，此資敵而傷我甚焉。世將不能禁征役分軍而逃歸，或臨戰自北，則逃傷甚焉。世將不能禁殺人於百步之外者，弓矢也。殺人於五十步之外者，矛戟也。將已鼓而士卒相囂，拗矢折矛，拖戟利後發，戰有此數者，內自敗也。世將不能禁士失什伍，車失偏列，奇兵捐將而走，大衆亦走。世將不能禁夫將能禁此四者，則高山陵登之，深水絕過之，堅陣犯之，不能禁此四者，猶亾舟楫，絕江湖，不可得也。民非樂死

武備志卷八 兵訣評 尉繚子





而惡生也。號令明，法制審，故能使之前。明賞於前，決罰於後，是以發能中利，動則有功。令百人一卒，千人一司馬，萬人一將，以少誅衆，以弱誅強，試聽臣言，其術足使三軍之衆，誅一人無失刑，父不敢舍縱子，子不敢舍父，况國人乎。一夫仗劍擊於市，萬人無不避之者，臣謂非一人之獨勇，萬人皆不有也。何則？必死與必生，固不侔也。聽臣之術，足使三軍之衆爲一，死賊莫敢當其前，莫敢隨其後，而能獨出獨入焉。獨出獨入者，王霸之兵也。有提上

萬之衆而天下莫當者，誰曰桓公也。有提七萬之衆而天下莫當者，誰曰吳起也。有提三萬之衆而天下莫當者，誰曰武子也。今天下諸國士所率無不及二十萬之衆，然不能濟功名者，不明乎禁舍開塞也。明其制，一人勝之，則十人亦以勝之也。十人勝之，則百千萬人亦以勝之也。故曰：便吾器用，養吾武勇，發之如鳥擊，如赴千仞之谿。今國被患者，以重幣出聘，以愛子出質，以地界出割，得天下助，卒名爲十萬，其實不過數萬耳。其兵來者無不



謂其將曰無為人下先戰其實不可得而戰也重  
 吾境內之民無伍莫能正矣經制十萬之衆而王  
 必能使之衣吾衣食吾食戰不勝守不固者非吾  
 民之罪內自致也內無人以定其經制也天下諸國助我戰  
 猶良驥駉駉之駛彼駑馬鬻與角逐何能紹吾氣  
 哉諸國之助我戰者若駑馬之鬻與角逐耳何能  
 能續吾軍氣以當敵國良驥駉駉之疾速哉吾  
 用天下之用以爲用吾制天下之制以爲制修吾  
 號令明吾賞罰使天下非農無所得食非戰無所  
 得爵使民揚臂爭出農戰而天下無敵矣故曰發

河君本

類齊滑之

號出令信行國內民言有可以勝敵者毋許其空  
 言必試其能戰也視人之地而有之分人之民而  
 畜之必能內有其賢者也不能內有其賢而欲有  
 天下必覆軍殺將如此雖戰勝而國益弱得地而  
 國益貧由中國之制弊矣

戰威第四

論用戰之威

凡兵有以道勝有以威勝有以力勝講武料敵使  
 敵之氣失而師散雖形全而不爲之用此道勝也  
 審法制明賞罰便器用使民有必戰之心此威勝



也破軍殺將乘闖發機潰衆奪地成功乃返此力  
勝也王侯知此所以三勝者畢矣夫將之所以戰  
者民也民之所以戰者氣也氣實則鬪氣奪則走  
刑未加兵未接而所以奪敵者五也一曰廟勝之  
論二曰受命之論立將受命三曰踰垠之論越江四曰  
深溝高壘之論五曰舉陳加刑之論修舉行陳重加刑戮此  
五者先料敵而後動是以擊虛奪之也擊敵人之虛而奪其  
氣善用兵者能奪人而不奪于人奪者心之機也  
令者一衆心也衆不審則數變數變則令雖出衆

出此數語

不信矣故令之之法小過無更不得遽改小疑無中  
中故上無疑令則衆不二聽動無疑事則衆不二  
志未有不信其心而能得其力者也未有不得其  
力而能致其死戰者也故國必有禮信親愛之義  
則可以饑易飽國必有孝慈廉恥之俗則可以死  
易生古者率民必先禮信而後爵祿先廉恥而後  
刑罰先親愛而後律其身故戰者必本乎率身以  
勵衆士如心之使四肢也志不勵則士不死節士  
不死節則衆不戰勵士之道民之生不可不厚也



結士心  
不出此  
數語

主兵柄  
不出此

武備志卷八  
爵列之等死喪之親民之所營不可不顯也必也  
因民之所生而利之因民之所營而顯之田祿之  
實飲食之親鄉里相勸死喪相救兵役相從此民  
之所勵也使什伍如親戚卒伯如朋友止如堵墻  
動如風雨車不結轍士不旋踵此本戰之道也地  
所以養民也城所以守地也戰所以守城也故務  
耕者民不饑務守者地不危務戰者城不圍三者  
先王之本務也本務者兵最急故先王專於兵有  
五焉委積不多則事不行賞祿不厚則民不勸武

服士心  
不出此

事不逸則衆不强備用不便則力不壯刑賞不中  
則衆不畏務此五者靜能守其所固動能成其所  
欲夫以居攻出則居欲重陳欲堅發欲畢鬪欲齊  
王國富民霸國富士僅存之國富大夫亾國富  
府所謂上滿下漏患無所救故曰舉賢任能不時  
日而事利明法審令不卜筮而獲吉貴功養勞不  
禱祠而得福又曰天時不如地利地利不如人和  
聖人所貴人事而已夫勤勞之師將必先已暑不  
張蓋寒不重衣險必下步軍井成而後飲軍食熟



而後飯軍壘成而後舍勞佚必以身同之如此師雖久而不老不弊。

攻權第五

攻取權變之法

兵以靜勝國以專勝力分者弱心疑者背力分與專反心

疑與靜反夫力弱故進退不豪縱敵不擒將吏士卒動

靜一身心既疑背則計決上而不動下動決下而

不禁上異口虛言將無修容卒無常試發攻必劔

是謂疾陵之兵無足與鬪將帥者心也羣下者支

節也其心動以誠則支節必力其心動以疑則支

節必背夫將不心制卒不節動雖勝幸勝也非攻

權也夫民無兩畏也畏我侮敵畏敵侮我見侮者

敗立威者勝凡將能其道者吏畏其將也吏畏其

將者民畏其吏也民畏其吏者敵畏其民也是故

知勝敗之道者必先知畏侮之權夫不愛悅其心

者不我用也不威嚴其心者不我舉也愛在下順

威在上立愛故不二威故不犯故善將者愛與威

而已戰不必勝不可以言戰攻不必拔不可以言

攻不然刑罰不足信也信在期前事在未兆故衆

微乎微

渺論



霸王之術審此而已

已聚。不虛散。兵已出。不徒歸。求敵若求亾子。擊敵若救溺人。分險者無戰心。挑戰者無全氣。鬪戰者無勝兵。敵人分險而守其心不欲戰。敵人與我挑戰其氣必不全。敵人忿怒與我格鬪者其兵必不勝。凡挾義而戰者貴從我起。而起爭私結怨。應不得已。但應之於怨。結難起。待之貴後。故爭必當待之息。必當備之。及其止息。尤當防備不虞。兵有勝於朝廷。有勝於原野。有勝於市井。鬪則得服。則失幸以不敗。此不意彼驚懼而曲勝之也。曲勝言非全也。非全勝者無權名。故明主戰攻之日。合鼓合角。節以

與師行三十里正觀

刃。不求勝而勝也。兵有去備徹威而勝者。以其有法故也。有器用之蚤定也。其應敵也。周其總率也。極。應酬敵人也。周密總率三軍也。極至則雖去備而實有備。雖去威而實有威。故能勝人。故五人而伍十人而什。百人而卒。千人而率。萬人而將。已周已極。其朝死則朝代。暮死則暮代。凡伍什之長隨死隨代。不可久虛。權敵審將而後舉兵。故凡集兵千里者。旬日百里者。一日其欲速集必集敵境。期集于卒聚將至。深入其地。錯絕其道。棲其大城大邑。使之登城逼危。男女數重。各逼地形。而攻要害。據一城。



邑而數道絕從而攻之敵將帥不能攻吏卒不能和刑有所不從者則我敗之矣敵救未至而一城已降津梁未發要塞未修城險未設渠荅未張渠乃木螳螂鐵則雖有城無守矣遠堡未入戍客未歸則雖有人無人矣六畜未聚五穀未收財用未斂則雖有資無資矣夫城邑空虛而資盡者我因其虛而攻之法曰獨出獨入敵不接刃而致之此之謂也

守城者不可不知此

守權第六

凡守者進不郭圍退不亭障以禦戰非善者也據城郭邊圍退不據亭障不進不遂而以禦敵非善守者也豪傑英俊堅甲利兵勁弩强矢盡在郭中乃收窖廩毀折而入保令客氣十百倍而主之氣不半焉敵攻者傷之甚也臣能利器盡收於郭中又收民窖廩毀民廬屋而人城保守使敵氣十百而主氣不半敵人來攻必見傷殘之甚矣此言不足守然而世將弗能知夫守者國者其所為有如此然而世將弗能知夫守者不失其隙者也守法城一丈十人守之工食不與焉出者不守守者不出欲其力專一而當十十而當百百而當千千而當萬守者之勇勝于敵矣故為城郭者非特

武備志卷八 兵訣評 附錄子一



守城盡此數語

費於民聚土壤也誠為守也千丈之城則萬人之  
 守池深而廣城堅而厚士民備薪食給弩堅矢強  
 矛戟稱之此守法也攻者不下十餘萬之衆其有  
 必救之軍者則有必守之城無必救之軍者則無  
 必守之城此言守城又言外援若彼城堅而救誠則愚夫蠢  
 婦無不蔽城盡資血城堅而救誠則有可守之機人皆扞蔽其城而盡其資財  
 血力以守矣以城者期年之城守餘于攻者救餘於守者  
 其城可守期年而守者救者其力又有餘則城可保矣若彼城堅而救不誠  
 則愚夫蠢婦無不守陴而泣下此人之常情也

救城盡此數語

發其害廩救撫則亦不能止矣必鼓其豪傑英俊  
 堅甲利兵勁弩強矢并於前么麼毀瘠者并於後  
 十萬之兵頓於城下救必開之守必出之出據要  
 塞敵人以重兵頓於城下有救必能開其圍但救而守者常出城決戰據其要害險塞之地但救  
 其後無絕其糧道中外相應救者且勿與敵交戰但救其後而無絕其糧道與守者中外相應而已此救而示之不誠示之不誠則倒  
 敵而待之者也後其壯前其老彼敵無前守不得  
 而止矣然此救者又當示敵以救之不誠焉示之以不誠者所以顛倒敵人而陰待之者也  
 敵不前進而守者可以出戰不得止禦矣此守權之謂也此守城權變之說也



十二陵第七

憑陵敵人之事十有二

威在於不變惠在於因時機在於應事戰在於治氣攻在於意表守在於外飾無過在於度數無困在於豫備慎在於畏小智在於治大除害在於敢斷得衆在於下人侮在於任疑孽在於屠戮偏在於多私不祥在於惡聞已過不度在於竭民財不明在於受間不實在於輕發固陋在於離賢禍在於好利害在於親小人亾在於無所守危在於無號令

武議第八

凡兵不攻無過之城不殺無罪之人夫殺人之父兄利人之貨財臣妾人之子女此皆盜也故兵者所以誅暴亂禁不義也兵之所加者農不離其田業賈不離其肆宅士大夫不離其官府由其武議在於一人由一人定議於上止誅禁而不為暴虐故兵不血刃而天下親焉萬乘農戰千乘救守百乘事養大國務農戰之政次國務救守之具小農戰不外索權救存不外索助事養不外索資務農戰則其威自足而夫出不足不必外索他人之威權



此數語

戰入不足守者。治之以市。市者所以給戰守也。萬  
 乘無千乘之助。必有百乘之市。若戰守之用不足者必治市廛之稅以充之。是市租所以供給戰守者也。故萬乘無千乘之資助。必有百乘之市法以足用也。凡誅  
 者所以明武也。殺一人而三軍震者。殺之。殺一人  
 而萬人喜者。殺之。殺之貴大。賞之貴小。殺有罪當上及大人。賞有功當下及小人。當殺而雖貴重必殺之。是刑上究也。賞  
 及牛童馬圉者。是賞下流也。夫能刑上究。賞下流。此將之武也。故人主重將。夫將提鼓揮枹。臨難決  
 戰。接兵角刃。鼓之而當。則賞功立名。鼓之而不當。則身死國亡。是興亡安危應在枹端。奈何無重將也。夫提鼓揮枹。接兵角刃。君以武事成功者。臣以  
 為非難也。古人曰。無蒙衝而攻。無渠答而守。是謂  
 無善之軍。視無見。聽無聞。由國無市也。蒙衝戰船也。渠答行馬。蒺藜之類。不備而欲攻守。是不用善言之軍。而見聞俱無者。由其國無市法。故其用有不足也。

夫市也者。百貨之官也。市賤賣貴。以限士人。市必有主。百貨之官。其法賤者市之。貴者賣之。以限制乎士人。不得以其物而極貴賤也。人食粟一  
 斗。馬食菽三斗。人有饑色。馬有瘠形。何也。市有所  
 出而官無主也。市雖有出而無官以主之。則賤時不市。貴時不賣。以致物價騰踴而



用不足也。夫提天下之節制，而無百貨之官，無謂其能戰也。起兵直使，甲冑生蟣虱者，必為吾所效用也。所以然者，驚鳥逐雀，有襲人之懷，入人之室者，非出生也。也。出生入死，後有憚也。喻言士卒所以必為吾效，用者以畏吾之威也。太公望年七十，屠牛朝歌，賣食盟津，過七十餘而主不聽，人人謂之狂夫也。及遇文王，則提三萬之眾，一戰而天下定，非武議安能此合也。故曰：良馬有策，遠道可致，賢士有合，大道可明。武王伐紂，師渡盟津，右旄左鉞，死士三百，戰士三萬，紂之陳億萬，飛

惡來，身先戰斧，陳開百里，武王不罷士民，兵刃而克商，誅紂，無祥異也。人事修不修而然也。今世將考孤虛，占感池，凶合龜兆，觀星辰風雲之變，欲以成勝立功，臣以為難。夫將者，上不制於天下，不制於地，中不制於人，故兵者凶器也。爭者道德也。將者死官也。故不得已而用之，無天於上，無地於下，無主於後，無敵於前。一人之兵，如狼如虎，如風如雨，如雷如霆，震震冥冥，天下皆驚，勝兵似水，夫水至柔弱者也，然所觸丘陵，必為之崩，無異也。



性專而觸誠也。今以莫邪之利，犀兕之堅，三軍之

衆有所奇正，行軍有奇正則天下莫當其戰矣。故曰：舉

賢用能，不時日而事利，明法審令，不卜筮而獲吉，

貴功養勞，不禱祠而得福。又曰：天時不如地利，地

利不如人和。古之聖人，謹人事而已。吳起與秦戰，

舍不平隴畝，樸檄蓋之，以蔽霜露。其舍止之處，不

如此何也？不自高人，乞人之死，不索尊，竭人之

力，不責禮。欲求人死戰，則不自求其尊，故古者介冑

之士不拜，示人無已煩也。無以已之故，煩人而欲

乞其死，竭其力，自古至今，未嘗聞矣。將受命之

忘其家，張軍宿野，忘其親，援枹而鼓，忘其身。吳起

臨戰，左右進劍，起曰：將專主，旗鼓爾。臨難決疑，揮

兵指刃，此將事也。一劍之任，非將事也。三軍成行，

一舍三十里而後成，三舍三舍之餘，如決川源，望敵

在前，因其所長而用之。敵白者，聖之赤者，赭之。敵

白，吾亦以白土飾之，敵用赤，吾亦以赤土飾之，欲以混其旗號也。吳起與秦戰，未


合一夫不勝其勇，前獲雙首而還。吳起立斬之，軍

吏諫曰：此材士也，不可斬。起曰：材則是也，非吾令

將不知



也。斬之。



Faint, mostly illegible text in vertical columns, likely bleed-through from the reverse side of the page. The text appears to be in a traditional Chinese script, possibly regular or semi-cursive script.

The left page of the manuscript is mostly blank, showing the texture and color of the aged paper. There are some very faint, illegible markings or bleed-through from the reverse side.



